

2326

Niuspepa bilong ol Papua Niugini stret

Wantok 12t


Namba 322 Bilong wik stat long Saepw, 5 Julai, 1980

Festival Program

pes 12-13

Laipain - pes 17

17176



Ol kanu i kamap pinis long Ela Bis. Ol man i pul i wok long winim ol kanu i gat sel. Moa long 200 kanu i kamap long Ela Bis long opim Festival. Planti tausen man-meri i kam was i stap.

Welkam ol Wansolwara

Bikpela pestode bilong olgeta kantri insait long Pasifik i stat pinis long Mande 30 Jun, na bai pinis long 12 Julai. Insait long dispela tupela wik ol kain kain singsing, pilai na pasin tumbuna bai kamap long 8-pela provins bilong PNG. Ol 8-pela ples em Mosbi, Wewak, Alotau, Goroka, Lae, Madang, Maun Hagen na Rabaul.

Mosbi i opim festival bilong ol long Mande 30 Jun, taim ol kanu bilong Manus, Solomon Ailan na sampela nambis bilong PNG i sel i kam kamap long Ela Bis long moning taim tru. Moa moa manmeri i kamap sambai long lukim ol kanu i kam insait long sua.

INVESTMENT CORPORATION OF PAPUA NEW GUINEA.

SEA PRAIS - JULAI 1980
(Prais bilong sea wantaim fi mani)

50 sea	K 54.00
100 sea	K108.00
150 sea	K162.00
200 sea	K216.00
250 sea	K270.00
300 sea	K324.00

Wok bilong salim na baim bek ol sea bilong dispela fan i bihainim tasol ol toktok i stap insait long Prospektus. Prais bilong wan wan sea long Julai 1980 em i K1.08. Prais bilong baim bek sea em i K1.06 - 2t i raus long baim koporesen..

Plis salim wanpela Prospektus buk bilong yupela i kam long mi. TO: **INVESTMENT KOPORESEN, P.O. BOX 155, POT MOSBI.**

NEM:

ADRES:



AIR NIUGINI

Klostu 3 mun nau mipela harim ol kain kain stori bilong Air Niugini. Planti toktok i kamap tasol i luk olsem olgeta trabel na olgeta wari i samting bilong ol hetman bilong kampani na hetman bilong Komisen long stretim.

Watpo Palamen i westim planti taim long toktok long ol trabel insait long Air Niugini kampani. Wanem taim tru bai Palamen i kirapim wanpela lukluk tru insait long ol we ol dipatmen i yusim mani bilong Gavman?

Wanem taim bai Palamen i tokaut long hamas mani bilong Gavman i lus o paul nabaut? Wanem taim bai ol pipel i save long hamas kina bilong Gavman i paul nabaut long 1977 o 1978 o 1979. Watpo yumi ol-taim harim stori bilong Air Niugini tasol.

Autim stori bilong ol wan wan dipatmen na mipela ol pipel i ken harim stori tru long hamas mani olgeta i lus na hamas mani olgeta i paul. Em wanpela stori mipela wet long harim. Maski paulim bikpela stori long Air Niugini kamapni.

Em i isi tru long harim trabel bilong wanpela kampani olsem Air Niugini. Tasol i hat tru long harim olgeta stori bilong mani bilong Gavman.

No bihainim Baset

Sampela gavman dipatmen i no bihainim gut baset o rot bilong yusim mani bilong ol. Ol i no bihainim baset tru olsem na ol i lusim nating mani long olkain wok samting i no stap insait long baset bilong ol.

Mista John Kaputin, Minista bilong Fainens i bin mekim dispela tok long taim em i givim ripot bilong we PNG i yusim mani bilong em long 1979. Em i givim dispela ripot long Nesenel Palamen long Jun 23.

Mista Kaputim i tok, olgeta bikman long wok lukautim mani na buk i no ken tromoi nating mani. Ol i mas bihainim stret tru ol pasin bilong yusim mani.

Em i tok, bikpela wari i wok long kamap nau. Dispela em i bilong traime grisim ol man i gat save long dispela wok long kam wok na tu bilong holim pasim ol i stap olgeta long dispela kain wok.

Long las yia Mista Kaputin i bin go stap kalabus inap 10 wik olgeta. Em i no bin



John Kaputin

givim toktok bilong we Niugini Development Koporesen i wok long yusim mani bilong ol. Em i tok, em i bin i gat dispela wari tu olsem, i no bin i gat gutpela man bilong lukautim mani na buk bilong kampani bilong em.

Long palamen long las wik em i tok, gavman bai givim gutpela pe long ol man bilong lukautim ol buk na mani nau. Na tu ol traime givim ol bikpela wok bilong lukautim buk na mani i go long ol sitisen bilong PNG stret.

Ka kilim 300 pipel



Papua Niugini i winim tru olgeta arapela kantri long wanpela samting nogut. Moa moa manmeri i painim birua na indai long ka. Sir Julius Chan i givim dispela toktok insait long Palamen long las wik. Em i tok 300 manmeri indai long 1979 na moa long 2000 i kisim bagarap long ka. Poto i soim wanpela ka i spit, kapsait na hangamap long waia. Ka i bagarap long Waigani Draiv long las mun.



Sinia Sajen Messo Awe wantaim do*bilong em Rusty i tren nau long Sydney. Klostu ol i laik kambek long PNG. Rusty i skul long painim ol bom na katres. Long poto hia wanpela soldia i holim bol Rusty i painim pinis long dispela kes.

Morobe gat nupela Primia

Long las wik, man i wok provinsal plena bilong Morobe Provinsal Asembli bipo i kamap primia.

Long ileksen ol i holim bilong makim primia, Mista Utula Samana i winim Mista Mek Singilong. Mista Samana i kisim 17 vot na Mista Singilong i kisim 15 vot.

Mista Samana em i gat 32 krismas. Mista Mek Singilong i bin wok Namba tu primia long bipo. Insait long dispela ileksen, em i sanap olsem kendidet bilong Pangu Pati.

Mista Yakotang David bilong Yabim distrik sios i kamap spika bihain kamap spika bihain long taim ol vot bilong spika pastaim i no bihainim lo bilong asembli.

Na memba bilong Bukawa, Mista Tang Bingedeng i kamap namba tu bilong Mista David.

Mista Samana i tok, wok bilong em bipo i opim gut rot tru bilong em long wok gut wantaim pablik sevis.

Em i tok, em bai givim gutpela sapot tru i go long pablik



Utula Samana

sevis long kamapim gutpela go het bilong ol pipel na provins wantaim.


Tasol em i tok tu olsem, pablik sevis i mas bekim gutpela sapot bilong em tu.

Mista Samana i tok, wanpela bikpela wok bilong em olsem primia em long mekim go het i kamap tu long ol ples. Em bai skelim ol samting bilong ol hap bilong taun we i gat draipela go het pinis subim na i go long ol viles.


TAMBU TORO

Tambu Toro i singautim ol poro bilong em long salim sampela Toro stori i kam long Wantok. Salim i kam long Tambu Toro, Box 1982, Boroko.

TORO KISIM PE NA EM TRAI LAK PILAI SNUKA LONG WINIM SAMPELA MOA MANI. TASOL EM LUS YET.



NARAPELA MAN I SEVISMAN LONG SNUKA OLSEM NA EM BUTIM BOL KWIK KWIK TASOL. NAU PLANTI BOL BILONG TORO TASOL I STAP LONG TABEL.



TORO I LAIK TRIK NA PAITIM SAMPELA BOL I GO INSAIT LONG HUL WANTAIM HAN.



NARAPELA MAN YA LUKIM NA PAITIM TORO WANTAIM SNUKA BAL. TORO KISIM NOGUT.



Top Kop

Insait long Mosbi i gat wanpela nupela kain bas i save mekim lukluk raun long ol komyuniti skul. Em i no wanpela skul bas. Nogat. Na em i no bas bilong bringim kaikai tu. Wok bilong em i narapela kain yet. "Topkop i wanpela bas bilong Plis Dipatmen. Wok bilong em i bilong karim plisman i go long wan wan skul long toktok na kirapim pilai wantaim ol sumatin.

"Topkop" em i wanpela nupela projek bilong Plis Dipatmen. Em i kaikai bilong nupela kain tingting nau i kirap insait long dipatmen.

Plis i laikim bai ol pipel i mas kisim gutpela save long kain wok bilong ol plisman. Plis i laikim bai ol sumatin i mas luksave olsem plis i no birua bilong ol.

Ol i no bilong ranim ol na patim ol nating. Nogat. Plisman em i pren tru bilong ol manmeri na pikinini.

Namba wan wok bilong ol em long helpim ol pipel taim ol i kisim birua o i gat wari. Ol plis i laik tram long givim gutpela

tingting i go long ol yangpela na bai ol i no ken kamap olsem stilman na trabelman.

Plis Dipatmen i tokaut olsem dispela nupela wok em i no bilong grisim ol yangpela long joinim plis fos taim ol i pinis skul. Nogat. Ol plis i gat laik tasol long givim gutpela tok save i go long pikinini olsem bai ol i ken kamap gutpela manmeri.


Ol plisman i wok insait long "Topkop" i save lainim ol sumatin long kain kain spot na pilai. Ol i lainim ol long pilai ragbi, soka na osi rul.

Planti long ol sumatin i tok, ol i amamas tru long dispela.



"Topkop" nau i wok i stap long 9-pela skul olgeta insait long Mosbi.

Wanpela tokman bilong Plis Dipatmen i tok, dipatmen i amamas tru long lukim wok bilong "Topkop". Em i tok, planti sumatin ol sensim pinis pasin bilong ol. Ol i no moa pret long lukim ol plisman. Long planti skul, ol sumatin i redi tasol long toktok wantaim ol plisman. Bipo i no olsem. Tokman i tok em i



Top Kop tim long Gordon, Mosbi. Ol i redi long go aut na kirapim sampela pilai wantaim ol studen.

pilim olsem dispela gutpela wok bai i go het tru sapos moa plisman i stap insait long "Topkop". Nau 12-pela plisman i save wok long "Topkop".

Aidia bilong "Topkop" i kirap long taim planti toktok i kamap long stretim nem bilong plis fos. Ol bikman bilong Plis Dipatmen i pilim olsem ol i mas mekim wanpela samting long stretim nem bilong

plis fos.

Planti manmeri na pikinini tu i save lukluk long ol plisman olsem birua bilong ol. Olsem na planti manmeri i save haitim ol trabelman. Ol i helpim wantok bilong ol taim plis i lukautim ol long kisim ol i go long kot.

Plis Dipatmen i pilim sapos ol manmeri i gat gutpela save long wok bilong ol plis-

man, ol inap helpim ol long wok bilong ol.

Long sampela kantri ovasis kain wok olsem "Topkop" i stap pinis. Long Australia ol i save kolim Plis Bois Klap (Police Boys Club).

Mosbi Siti Kaunsil i amamas tu long gutpela wok "Topkop" i mekim. Lod Meya, Kaunsila Kipling Uiari, i tok, kaunsil bilong em i tingting

pinis long askim Plis Dipatmen long statim wanpela Plis Bois Klap long Gerehu insait long Mosbi yet.

Em i tok Gerehu em i wanpela nupela hap taun na i no gat planti ples pilai na ples bilong amamas i stap. Em i no laikim bai ol pikinini long hap i bihainim kain kain pasin nogut.

● Franzalbert Joku


Yu bai go long Ats Festival o nogat?

YU TING WANEM



Mary Kilap


Wanpela meri i wok long stua bilong Chapman's Pharmacy, Mis Mary Kilap bilong Kerema i tok, i luk olsem em bai amamasim em yet gut tru long dispela taim. Em i tingting long lukim ol singsing tumbuna bilong ol kantri bilong Pasifik, long wanem, em i gat draipela laik long lukim. Na sapos i gat taim bai em i go lukim ol arapela pilai samting.



Sili Koriam

Wanpela saveman tru bilong dro, Mista Sili Koriam bilong Saten Hailans Provins i sambai tasol i stap long lukim ol singsing tumbuna.

Em i tok, em i laik lukim, ol pasin tumbuna i dai pinis o ol i stap yet? Em bai wet tasol na skelim dispela askim.



Martin Yakopa

Mista Martin Yakpoa em i wanpela studen bulong Yuni-versiti bilong Papua Niugini.

Mista Yakopa i laik lukim olgeta samting i kamap long Festival. Tasol laik bilong em i pas tru long lukim ol man i wokim kaving na singsing tumbuna bilong olgeta hap.

Mis Maryann Solok bilong Manus i no save yet long wanem samting em bai mekim long Festival. Tasol em i gat laik long lukim singsing tumbuna bilong ol arapela kantri bilong Pasifik.

Na tu em i gat draipela laik tru long lukim ol kanu i resis. Dispela, long wanem, i gat tupela kanu bilong ples bilong em i stap insait tu long olgeta kanu ya.



Maryann Solok

Dairekta bilong Opis ov Infomesen, Mista John Tokunai em i bilong Isten Hailans Provins. Em i tok, em i dai tru na wet tasol long lukim Festival. Em i tokaut pinis long ol samting em i laik lukim.

Em i tok, laik bilong em tru long lukim ol kanu i resis. Na em i ting, dispela pilai bai gutpela tru. Olsem na em bai i mas go lukim yet ya.



John Tokunai

Mis Marla Gayaia, wanpela wokmeri bilong Saut Pasifik Beng i bilong Simbu. Em i no klia gut long wanem samting em bai mekim long Festival. Tasol em i laik lukim samting bilong ol arapela kantri husat bai kam.

Em i tok tu olsem, "mi laik luksave long wanem kain ol pipel bai kam long dispela festival".

● Benedictus Sarwom



Marla Gayaia



no harim long nius o lukim long ai bilong mi ol rikruting opisa i kam raun liklik long ol autstesin bilong Wes Sepik long kisim ol manki husat i gat draipela laik long kamap ami.

Nogat Sans Long Kamap Ami

Ol i save raun long ol biktaun tasol. I tru ol i save kam raun long Wes Sepik tasol ol i save go long Vanimo tasol. I no long Aitape, Lumi na Nuku. Nogat tru.

Em tasol liklik wari bilong mi.

Albert Wamekei
Aitape,
Sandaun Provins

Longtaim tru, mi

Ol Kendidet i Gris Tasol.

Dia Edita — Mi gat liklik wari bilong mi long raitim i go insait long Wantok nius. Wari bilong mi i go olsem.

long yumi na kisim ol pipel long givim vot long yumi.

Ol pipel i mas vot long laik bilong ol yet. I no baim ol na grisim ol na kisim vot long ol. Em i nogut tru.

Ating olgeta hap i olsem o long hia tasol? Sapos yu laik bekim pas bilong mi, em i orait tasol.

Eke Lama,
Pangia, S.H.P.

Ol i save mekim olsem. Na mi ting, dispela em i no gutpela tumas. Yumi mas autim tasol politiks bi-

Piksa Bilong King George

Dia Edita — Mi raitim dispela pas long bekim tok long askim yupela i bin prinim long pes 3 bilong Wantok Niuspepa long Sarere 10 Me, 1980

Tude tasol, wanpela kaunsila na wanpela bikman, Teopili Tsuriang bilong Sangan viles long Kapiapit distrik bilong Morobe Provins i bin kam lukim mi long dispela askim yupela i bin prinim long niuspepa. Piksa,

ya i soim wanpela man nem bilong em Wami Namu. Dispela man i sanap holim piksa bilong King George. Em i bin stap luluai bilong Sangan viles. Tasol tarangu i dai pinis. Dispela piksa yupela i toktok long en ya em i stap insait long haus lotu long Sangan viles.

Mi yet i bin go tu long lukim, dispela piksa. Na em i tru olsem dispela piksa i stap long haus lotu long Sangan viles. Ta-

sol sapos yupela yet i laik lukim kam yupela i welkam tasol. Na sapos yupela i laik save moa long dispela samting, orait, rait na askim mi long dispela adres:

V. Gasoware
a/Distrik Ko-dineta
Kaiapit, Morobe
Provins

O yupela i ken ringim mi long dispela namba 42 2924.

Ana Plis, Wong Noora

Dia Edita — Mi wanpela manki Siwai na mi laik bekim pas bilong brata ya John Lijoe bilong Buka. Brata ya em i bin laik save long mining tru bilong Wong Noora.

John Lijoe, mi laik bai yu stap isi tasol na harim mining bilong Wong Noora. Pastaim mi laik go het long ol toktok, mi laik tok save long yu olsem, dispela hap tok ya, Wong Noora em i no stap long diksenari. Em i tok ples bilong mipela yet, ol Siwai.

Yes John, mining bilong dispela toktok ya, yu bin wari nogut tru long en na rait i go long Wantok Niuspepa. Em i olsem,

sapos wanpela man o meri i kaikai hap samting na yu laikim hap long em, yu ken askim em olsem, Wong Noora. Na em i ken givim yu liklik hap sapos em i laik. Em i no mining bilong wanpela tok nogut.

Hey John, mi no bilipim yu stret yu bilong Buka. Sapos yu bilong Buka, watpo yu bin raitim ol hap toktok long tok ples bilong mipela ol Siwai? Ating yu bilong Siwai tasol yu giaman tok olsem, yu bilong Buka.

Sapos i tru olsem, yu bilong Buka, husat man tru i bin lainim yu dispela hap toktok yu bin raitim daun-

bilo tru long pas bilong yu? Wantok John, mining bilong Wong Noora em i no hatpela samting. Na watpo yu i no bin askim dispela man i bin lainim yu long tok ples bilong mipela.

Em tasol liklik bekim bilong mi. Yu husat wantok i laik bekim pas bilong mi o sapatim mi, raitim pas tasol i go long Wantok Niuspepa na bai mi ken lukim.

Ana Plis Wong Noora, Uwa tu?

Aaron Norris
BCL, Panguna, N.S.P.

Oksen Stua i Nogut

Dia Edita — Plis givim liklik spes long mi long autim liklik wari bilong mi.

Taim mi go long taun, mi save lukim kain kain oksen stua i salim trausis na siot. Na prais bilong ol i go daun tru. Mi bin baim tupela trausis long tupela taim.

Wanpela taim long Sarere mi baim trausis long K2.50. Na mi karim dispela trausis i go long haus bilong mi. Narapela Sarere mi kam long taun, mi putim dispela nupela trausis na mi kam.

Taim mi kalap long ka, dispela nupela trausis i bruk stret long as bilong mi. Mi belhat wantaim i kam long taun. Na mi go long dispela oksen stua na mi baim wanpela trausis long K2.50 gen.

Na mi rausim bruk long en na mi putim nupela. Mi holim bruk long en ya na mi kam ausait long stua. Mi kam ausait long dua na mi kalap i go daun long graun. Na dispela nupela trausis i bruk stret long as bilong mi gen.

Salim ol pas
i kam long:
WANTOK
BOX 1982
BOROKO

Mi belhat na klostu mi pait wantaim ol stuakipa. Bilong wanem mi lusim K5 nating long tupela trausis? Mi laik ol i wokim gutpela na strongpela trausis, long wanem, mani em i bikpela samting. Olsem na mi toktok planti.

Na mi man bilong PNG yet. Na sapos wanpela man bilong Australia o Saina o sampela arapela kantri sapos ol i baim trausis o siot long oksen stua na dispela samting i bruk olsem bilong mi, bai ol i amamas o nogat?

Mani bilong ol i lus nating. Mi ting, ol bai i no moa laikim yumi PNG. Na ol bai tok baksait o tok bilas long long yumi i bin stilim mani bilong ol.

Olsem na mas tingting gut na mekim ol trausis na siot i strong. Mi no kros wantaim yupela. Tasol nogut arapela kantri i tok baksait o i tok bilas long yumi PNG.

Em tasol liklik wari bilong mi.

Tanu Maramundi
Mt. Hagen, W.H.P.

Yu Tok Nating

Dia Edita — Yupela inap lusim hap spes na bai mi bekim pas bilong wantok ya P. Haroli. Em bilong hap long Tari long S.H.P.

Yes Haroli, yu bin tok long Matiabe Yuwi em i no inap kempen o toktok. Em i no gat rait tru long tok, yu bin tok olsem.

Yes wantok, yu mas tingting gut pastaim na bihain yu ken rait i go long Wantok Niuspepa. Pren, mi askim yu olsem, Matiabe Yuwi em i stap long palamen memba hamas yia i go pinis?

Brata, yu no save yet long taim yu stap insait long bel bilong mama bilong yu em i bin memba. Em i stap memba bilong pala-

men 16 yia nau. Na olgeta pipel i save laikim em.

Ol i laikim em, long wanem, em i man bilong karim hevi bilong ol pipel. Na mipela olgeta pipel i save pinis olsem, em i save mekim gutpela wok.


Ating yu jeles nating long em na yu tok long em. Em tasol. Husat i laik bekim pas, orait, rait i go long Wantok na bai mi ken lukim. Tenkyu tru.

James Nani Ngalupi
Panguna, Not.
Solomons Provins.


Tok Save i go long ol man i save salim pas long Wantok. Sapos yu no putim nem tru bilong yu long pas mipela i no inap prinim leta bilong yu.

PINE-O-CLEEN


Rausim ol jerm long haus bilong yu



Jerm i save kamap long olgeta hap. As ples tru bilong em haus kuk



Ol barek na hul map kamapim sik. Kapsatim liklik Pine o Klin bai yu mekim save long ol jerm



Ol toilet tu yu ken kilim long Pine o Klin. Kapsatim liklik long toilet na i sem i stap



Jerm i stap long olgeta ples doti. Kilim haus long Pine o Klin. Kilim plua long haus kuk na toilet long Pine o Klin. Putim Pine o Klin long bakel wara na kilim plua Pine o Klin i save kilim indai ol kain kain jerm long haus



Yu ken kisim long olgeta bikpela stua na tred stua

Hailans Provinsal ileksen

Saten

NEM BILONG OL MAN I WIN LONG SATEN HAILANS PROVINSAL ILEKSEN

Nem bilong ol man i win long Saten Hailens Provinsal Ilekseen.

Primia — Andrew Andaija Sap 53,006
 Erave — Andrew Awaisa 1,053
 Jalibu Basin — Tawa Kombe 1,042
 Imbong'gu — Joseph Yamba 1,116
 Kewabi — Undi Nandi 1,440
 Kewabi — Mata Mura 1,207
 Kuare — Evan Wapa 612 (bai ol i kaudim ken.)

Kopiago — Kolawai Mone 1,253
 Not Koroba — Piko Angwane 2,299
 Saut Koroba — Yawale Kulu 1,650
 Lai Valley — Ebi Wari 2,253
 Magarima — Kau Lumbi 1,978 namba 2 spika

Karints — Kenger Olpa 1,535
 Lower Mendi — Gapi Molo 1,835
 Upper Mendi — Anthony Temo 1,420
 Nebi Plateau — Makip Poban 1,251
 Nipa Basin — Tegi Ebial 1,710 namba 2 primia

Pangia — Koke Itua 1,443
 Wiru — Perekoma Mongoma 742
 Pimaga — Kutubu — Sesemena Kangugamewa 853

Poroma — Mena Napas 1,429
 Haipuga — Dindini Iragula 956
 Hulia — Tiyabe Benaria 928
 Tebi — Aya Dabuma 1,363
 Tegari — Hogogo Minape 826
 Komo — Harie Karie 1,766



Siwi Kurondo



Andrew Andaija

Tripela Hailens Primia i win gen long provinsal ileksen. Em Siwi Kurondo bilong Simbu, Andrew Andaija bilong Saten Hailens na Nabura Mara bilong Westen Hailens. Tripela wantaim i winim ileksen na ol wetim namba wan miting bilong Provinsal Asembli.

Long Saten Hailens, Andrew Andaija i kisim gen wok primia tasol long tupela arapela provinsal tupela bikman i mas wetim namba wan miting bilong Provinsal Asembli. Ol memba yet bai makim nupela primia. Long Saten Hailens ol i gat arapela we bilong vot na ol pipel yet i makim Andrew long kisim wok primia.

Long Simbu sampela man husat i lus long ileksen i kirapim pait taim ol i kolim nem bilong ol man husat i win. Sampela ol man i lus i tok ol man bilong kauntim vot i no kauntim gut na wanpela man bilong Gumini i laik wokim kot long dispela samting. Pangu na Yunaitet na Nesenel Pati i resis long kisim wok gavman insait long Simbu.

Long Westen Hailens 3-pela minista i lus long ileksen na 5-pela minista i kisim bek wok. Long Saten Hailens 7-pela olupela memba i lusim sia bilong ol na 11-pela i winim bek sia bilong ol.

Simbu

NEM BILONG OL MAN I WIN LONG SIMBU PROVINSAL ILEKSEN

Nem bilong ol man i winim long Simbu Provinsal Ilekseen

Dom Iektoret — Aruwai Gaulmai 785
 Kundiawa — kendidet i dai na ol i holim ileksen yet
 Waiye — Nimambo Mathew Siune 534
 Yonggamugl — Michael Koima 895
 Maigl — Kuman Dai 1,464 (spika bilong olupela gavman)

Mul — Wemin Aure 540
 Nomane — Boul Peter Kaire 437
 Sol — Wange Hu 1,096
 Wikauma — Kua Galmal 568
 Mitnande Siomon Sindu Kumai 1,102
 Niglkande — Gabriel Kimbrua 540
 Gunangi — Kom Yogol 452

Koge — Nape Kupe 591
 Tabari — Wanpela kendidet i dai na ol i holim yet ilekseim
 Chuave — Baundo Job Kiage 584
 Elimari — Teine Acyonga 1,062
 Siane — Moses Yauwe 776

Kerowagi — Mii Yongomugl 886
 Gene Mauga — Siwi Kurondo 1,448 olupela primia
 Kup — Sununo Suagl 1,469
 Karamui — Tomu Siberai 623
 Bomai Daribi — Purai Asonogai 1,148

Westen

NEM BILONG OL MAN I WIN LONG WESTEN HAILANS PROVINSAL ILEKSEN.

Hagen Taun — Mark Mendai 337
 Angalimp — William Tanjipa 1,896
 Kui — Pius Nui 1,517
 Minigina — Awap Rumints 1,318
 Bukapena — Kerowa Yaga 978
 Upper Nebilyer — Kendidet i dai. Ol i holim ileksen ken.

Simu/Sim — Kundi Maku 697
 Lumusa — Robert Yandapu 1,142
 Hagen 2 — Andrew Dokta 833
 Wes Kambia — Maru Tindina 142
 Lower Nebilyer — Nabuga Mara 2,382
 Kol — Pius Tapo 3,734


Middle Jimi — Wakna Warak 787
 Lower Jimi — Kundi Momgan 1,147
 Banz — Steven Kambie 1,042
 Nondigul — Kants Kainding 1,001
 Minj — Simon Koiam 1,455
 Kudjip — Ambra Ning 947

East Kambia — Take Taime 306
 Gumants — Maip Kei 803
 Kinjibi — Pup Kei 497
 Kotna Tigi — Kuma Toga 653
 Kinjibi — Pup Kei 497
 Kotna Tigi — Kuma Toga 653

Upper Kaugel — Komnjili Manjipa 1,010
 Lower Kaugel — Tepu Pga 1,502



Ol Hagen i redi long Ats Festival. Opis ov Infomesen i kisim mambu long teprikoda.



PORT MORESBY
 LAE
 MADANG
 RABAU
 POPONDETTA
 SAMARAI
 VANIMO
 KIETA

PASIM STRET OL AUTOBOD MOTA

Taim yu baim autobod mota — yu baim Johnson tasol! Em i gutpela mota tru! Em i no nap bagarap kwik na em i save kai-kai liklik petrol tasol.

Steamships Machinery i save gut long ol autobod mota! Sapos yu laik, ol bai tokim yu long wanem kain mota i gutpela long bot o kanu bilong yu, na ol inap pasim mota long bot tu!

Johnson numba wan autobod mota long Papua New Guinea.



MACHINERY NA HARDWARE

Steamships Machinery i gat bikpela save moa long ol autobod mota!

**TOK SAVE LONG
MITSUBISHI**

Mipela ino inap olim prais em soim tambolo longtaim.
Ol nupela ka da na truk bai kam long sip olsem na prais mas igo antap.
NOKEN WET. GO KWIK NAU NA BAIM WANPELA, TAIM PRAIS I LO YET.
BAIM NAU long TOBA, or kampani usat save salim MITSUBISHI.

TOBA
PTY LTD



**SAMPELA KAMPANI SAVE GIVIM
FRI GIFT TASOL MIPEL GIVIM
YU SAMTING TRU EM
MONI BILONG YOU
BAIM.**

'HAUL' YOUR WAY TO TOBA AND SEE



MITSUBISHI FD 25 FORK LIFT TRUCK

GO "just a little better" with MITSUBISHI

- GO THE EFFECTIVE WAY
- GO THE EASY WAY
- GO THE QUIET WAY
- GO THE DEPENDABLE WAY
- GO THE SAFE WAY


..... AND SERVICE IN SECONDS.

Backed by torque converter plus power — shift transmission, infinite variety of speed — torque ratios to match your specific job requirements.

Take the weight off with a fork lift truck for the

80s

from



HEG 399



TOBA
PTY. LTD.

FORK LIFT SALES & SERVICE EXPERTS

TOBA PTY. LTD. PORT MORESBY	KAMSCO KAVIENG	RABAUL GARAGE RABAUL	STEAMSHIPS MACHINERY MADANG
TOBA PTY. LTD. LAE	LINUPA PTY. LTD. GOROKA	GIRIDA UNDARI MOTORS POPONDETTA	
HAGEN HAULIERS MT HAGEN	WONG KUI BUKA	MICHAEL WING YOU MANUS	

NIUS - NIUS - N

☆ **NUPELA HOLIDE** — Nesenel Palamen i tok orait pinis long makim 26, Epril olsem pablik holide long olgeta yia. Ol i laik bai dispela de i kirapim tingting bilong ol manmeri long ol dispela soldia bilong yumi indai long taim bilong pait. Ol i kolim "kambrens De".

☆ **"PLAY BOY"** — Komiti bilong skelim ol buk na piksa i kam insait long kantri i laik tok save olsem taim ol i yesa pinis long 'Play boy' i kam insait long PNG ol i wokim 4-pela lo ol stua i mas bihainim taim ol i wok long salim dispela buk.

1. Husat manmeri i laik baim buk ya i mas winim 18 krismas pinis. I tambu long ol manki long baim.
2. Stua i mas karamapim buk ya long plastik pepa taim ol i putim long suta. I tabu long putim nating olsem ol arapela buk na nius.
3. Olgeta num Komiti ya i mas lukim nupela buk na skelim. Sapos komiti i no orait long nupela buk i tambu long ol stua long salim.
4. Dispela buk i mas kam long Kwinslan, Australia. Ol arapela Play boy buk i tambu tru. Wanem ol stua i no bihainim ol dispela lo bai gat kot.

☆ **TIKET BILONG WOK** — Stat long Julai 1 olgeta wokmanmeri bilong ovasis i mas i gat tiket bilong wok. Dispela lo i karamapim olgeta wokman bilong misin na kampani na gavman. Pe bilong dispela tiket em K110.00. Husat wokman i no holim tiket em bai i gat kot.

☆ **NUPELA HAUS PASINDIA LONG WEWAK** — Gavman i tokaut pinis olsem em bai wokim bikpela haus pasindia long Wewak ples balus. Minista bilong Trensport na namba tu Praim Minista, Mista Iambakey Okuk i tok gavman i redim pinis mani bilong wokim haus pasindia insait long bikpela program bilong gavman long yia 1980.

Wantok

Wantok Niuspepa i lukautim wanpela nius ripota long wok long Wantok Niuspepa. Dispela man o meri i mas:

1. pinisim skul long Senia Hai o Yunivesiti
2. i gat laik tru long wok na ripot long Tok Pisin
3. save gut long wok ripota o laik lainim dispela kain wok.

Yu husat i gat tingting long aplai long kisim dispela wok rait i kam long:

Sief ov Staf
Wantok Niuspepa
Box 1982
Boroko

WANTOK NIUSPEPA

Nius i kamap 52 taim long yia nau.

Opis bilong Edita na Edvetaising long P.N. G.
P.O. Box 1982, Boroko
Telipon: 25.2500 Teleks: NE 22213

Edvetaising long Australia
Central Media Sales, Sydney
Telipon: 436.1000 Teleks: AA23211

PE BILONG WANPELA YIA, 52 NIUSPEPA

Ples	Kam long balus	Long sip
Mosbi	K 10.00	K 10.00
P.N.G.	K 14.00	K 14.00
Australia	A\$ 36.00	A\$ 29.00
N.Z., Fiji		
Pasifik Ailan	NZ\$47.50	NZ\$ 32.00
USA, Yurop	US\$ 70.00	US\$ 47.00
	DM 120.00	DM 81.00
	L 31.00	L 21.00

Drop — In Senta

Wok fama em i wanpela bikpela wok tru ol sampela yangpela manki mekim long Drop-Out Senta, YC long Goroka.

I gat 33 yangpela manki i wok long dispela senta nau. Ol manki ya i bilong Isten Hailans Provins tasol. Planti long ol i pinisim Gret 6 tasol.

Sampela manki i save stap wantaim ol wantok bilong ol long taun. Na sampela i save stap long ples na kam skul. Ol i skul stat long Mande i go inap long Fraide.

kain gris bilong givim kaikai long graun.

Tasol, long wanpela de ol i bin lukim ol liklik snek na grasopa i kaikai sayor bilong ol.



Long taim ol i kam insait long klas, ol i save ritim Baibel na beten liklik pastaim. Na bihain, orait, ol i skul tru. Ol i skul pinis, orait, ol i goaut na wok long gaden.

Ol i no wari moa. Ol i bin salim kaikai bilong gaden bilong ol long Food Marketing Corporation na Goroka Teknikal Koles. Ol i kisim mani na baim marasin bilong kilim ol dispela liklik stilman i bin kaikai sayor bilong ol. Ol i baim tu wanpela wilbaro, na sampela tul bilong wok gaden na sampela plet, na spun bilong ol long kaikai.

Ol dispela lain sumatin i save kisim kaikai long gaden bilong ol yet na kukim kaikai bilong ol yet. Long belo ol i save sindaun na pinisim tru dispela kaikai ol yet i save kukim.

Ol sumatin ya i save wokim kores-

pondens skul. Ol i save lainim Inglis na wok namba na sampela arapela subjek tu. Ol i wok long lainim ol samting bilong Gret 7 na Gret 8.

Long taim ol i pinisim skul bilong ol long pinis bilong dispela yia sampela long ol bai inap kisim wok long taun. Na sampela bai go bek long ples na traim groim ol samting bihainim we ol i bin lainim pinis ya. Husat i laik wokim skul moa na lainim ol samting bilong Gret 9 na Gret 10, em i orait. Ol i ken wokim korespondens na lainim moa samting.

● Eurlia Paine



Ol manki holim ol kabis na tamato ol i kisim long gaden bilong ol. Klostu ol i go pinis long maket.



Ol meri givim gris long graun. Taro ya em bikpela mo taim ol i kamautim.

Yut Pes

Ol yangpela, olgeta manmeri long PNG i wok long toktok planti tru long yupela. I luk olsem, olgeta manmeri i gat kain kain tok long tokim yupela. Ol i save tokim yupela long wanem samting yupela i mas mekim, o wanem samting yupela i no ken mekim, o wanem hap yupela i no ken go long en na planti kain toktok olsem.

Mipela long Wantok Niuspepa i laikim yupela mas telimaut tingting bilong yupela yet long ol manmeri. Mipela laik kamapim pes bilong ol yangpela insait long Wantok Niuspepa. Na mipela i askim yupela ol yangpela yet long salim ol kain kain nius i kam long mipela.

Sapos yu gat stori, salim i kam, o sapos yu gat sampela toktok, salim i kam. Sapos yu gat stori long wanem samting ol yangpela i wok long mekim insait long PNG, plis salim i kam. Na tu sapos yu gat ol poto bilong soim stori bilong yu plis salim ol tu i kam. Yupela i mas salim blak na wait poto tasol.

Gavman bai lusim K3½ milien long kirapim nupela opis bilong Yut na Rekriesen. Dispela opis bai statim wanpela nesenel yut program stat long yia 1980 i go inap long yia 1984.

Sampela mani Gavman bai lusim ya, em i bilong statim Nesenel Yut Muvmen. Insait long dispela muvmen bai gat:

- * Mani bilong helpim ol selp-help wok bilong ol yangpela i stap long ol viles.
- * Na tu bai gat wanpela "felosip skim" bilong ol yut woka i wok long ol komyuniti nabaut.
- * Na bai gat provinsal yut wik i kamap long olgeta wan wan provins long 1981.



Nogut ol snek i kaikaim bin. Poro ya sutim marasin na kilim ol.



**Tingting gut na draiv, nogut dispela
samting em i wetim yu.**

**Mun July em i mun bilong lukaut gut
taim yu draiv long rot.**

**Ran isi na skin bilong
lukautim yu**





Misis Ora Alu sanap long stua bilong em long Boroko. Misis Ester Ori i wok long helpim em., Nem bilong bisnis bilong ol em Pagini Tailors. Ora i bilong Not Solomon provins.



Misis Veitu Rumery lukautim ol liklik manki taim papamama i wok. Veitu i kirapim dispela wok bisnis long 3-pela yia i go pinis na em holim i go inap nau. Em i wokim long Waigani, Mosbi. Em i bilong Hula.

Ol man na ol lotu na ol pasin tumbuna i pasim tru ol meri husat i laik statim bisnis. Tasol sapos ol i stat wok bisnis, bai ol i sanap na toktok long olkain samting olsem ol man i save mekim. Dispela bai helpim ol long lukautim gut famili bilong ol, sapos ol i yusim gut mani ol i kamapim long bisnis bilong ol.

Em ol sampela het tok i kamap long wanpela kibung i bin kamap long Lae long stat bilong dispela yia. Dispela kibung i bin toktok long wanem ol wok ol meri inap mekim long bisnis.

Ol lain meri husat i bin stap insait long kibung i tok, i mas i gat wanpela wok painimaut sapos i gat inap graun bilong ol meri long statim bisnis bilong ol.

Ol i tok tu olsem, i

mas i gat ples we ol meri, husat i laik statim bisnis inap kisim trening bipo ol i kirapim bisnis bilong ol yet. Na tu ol meri i mas kisim wok insait long ol bisnis i wok long kamap bikpela. Na tu ol i mas wok insait long ol bisnis i gat ol save manmeri i stap ranim.

Sampela ol dispela bisnis i wankain olsem wok bilong ol meri long ples. Em olsem wok bilong kuk, na wok bilong

samap na wok bilong lukautim pikinini.

I bin i gat 17 meri olgeta i kamap long dispela kibung. Ol meri ya i kam makim 10-pela provins. Em long Sentral, na



Madang, na Morobe, na Is Sepik, na Isten Hailans, na Wes Sepik, Nu Ailan na Noten, na Westen Hailans na Nesenel Kapital Distrik. ● Mavis



PREN BILONG YU INAP OLTAIM

KUKIM GUTPELA KAIKAI

SAKSAK NA KUMU

Ol samting yu mas gat:

- 4-pela kap saksaki drai wanpela drai kokonas sampela bin
- 4-pela liklik tomato sampela kumu
- wanpela liklik raun anien
- sampela lip bilong karamapim kaikai

We bilong wokim:

1. Brukim drai kokonas na putim wara bilong en i go insait long wanpela plet o dis
2. Skrapim kokonas
3. Wasim tomato na bin na anien na kumu. Bihain, orait, katim ol dispela samting i go liklik.
4. Putim saksak na sayor na olgeta kokonas yu bin skrapim, i go insait long wanpela bikpela dis.
5. Tanim tanim ol dispela samting i stap long dis.
6. Pinis, orait, kapsaitim wara bilong kokonas i go insait long dis. Dispela bai helpim saksak long holimpas ol sayor i stap insait tu ya.
7. Taim yu putim wara i go inap long laik bilong yu, orait, mekim liklik karamap na pasim long lip na putim antap long paia. Yu mas tanim tanim ol karamap olsem, na ol bai i no inap paia. Tasol sapos yu gat hap kapa i stap, orait, putim dispela hap kapa antap long paia na putim ol karamap antap long en. Kukim ol karamap kaikai bilong yu antap long hap kapa ya.

Sapos yu gat mit o pis long haus, orait, yu ken kukim wantaim saksak tu.

MIPELA SAVE MEKIM OLKAIN WOK BILONG BENG

☆ Pas Buk

☆ Sek Buk

☆ Man i ken putim mani long beng na winim profit mani

☆ Sapos yu kisim narakain mani bilong wanpela arapela kantri, beng i ken senisim i kamap kina na toea.

☆ Ben i ken stretim olgeta tiket bilong yu, sapos yu laik go lukluk raun long arapela kantri.

Bank of New South Wales (PNG) Ltd.

Mipela amamas tru long helpim yu

Ami helpim ol Kanabea

Klostu nau bai ol maunten pipel bilong Kerema inap tru long kam daun lukim solwara na tu wokim liklik mani long bisnis ol i mekim antap long hailans.

Ami na helikopta balus bilong Australia i helpim ol nau long karim ol samting bilong wokim rot i go antap long ples we rot bai kirap.

Wanpela kampani bilong Galp provinsal gavman yet bai wokim dispela 133 kilomita rot i kam daun.

Rot bai kirap long helpim ol pipel bilong Kanabea eria.

Kanabea i stap antap long maunten bilong Kerema na laip bilong ol i olsem bilong Hailans stret.

Ol i stap samting olsem 133 kilomita longwe long Kerema taun. Tasol long balus em 20 minit tasol long go kamap long Kanabea.

Ami helikopta i karim ol trakta, simen na ol samting bilong wokim haus long Murua stesin. Na tu ol samting bilong wokim rot i go antap long Kanabea katolik misin stesin we rot bai kirap.

Rot bai kirap antap long Kanabea

katolik misin stesin na kam daun olsem long Murua. Na i go long Kerema taun.

Nau i no gat rot i bungim Kanabea wantaim Kerema. Olsem na i hat tru long karim samting long graun.

Memba bilong Kerema insait long Nesenel Palamen, Mista Aron Noaio i tok, dispela rot bai kos 5.2 milien kina olgeta.

Em i tok, Kamea Konstruksen, wanpela kampani bilong Galp provinsal gavman bai wokim dispela rot.

Mista Noaio i tok, sapos i no gat trabel i pasim kampani long wokim dispela rot, em bai pinisim insait long 4-pela yia.

Em i tok, nesenel gavman i givim dispela mani long baset bi-

long ol long yia 1980.


Mista Noaio i tok, pipel bilong em i amamas tru long dispela helpim bilong ami na nesenel gavman.

Em i tok, ol pipel bilong em i wok long putim ol samting long balus na salim i go long Lae tasol. Long wanem no gat rot.

Ol pipel i save kamapim kopi, lombo na tu ol i gat bisnis long kau. Gavman patrol i go insait long Kanabea eria long yia 1961 long namba wan taim tru. Bihain katolik misin i go insait kirapim misin long Kanabea long yia 1965.

Mista Noaio i tok, nau em i namba wan taim tru long nesenel gavman i givim sam-pela helpim long pipel bilong em.


● Ben Kasanda




Helikopta i stap long Kerema. Ol i wok long stretim ol kain kain kago bilong wokim rot. Bihain helikopta i apim i go long Kanabea.




Ol i bungim ol samting pinis orait helikopta i wok long apim na karim i go long Kanabea we ol i laik wokim rot.



Helikopta i kamap pinis long Kanabea na i laik lusim ol kago i go daun.



Haus Palamen bilong Solomon Ailans, long Honiara.



Praim Minista, Peter Kenilorea, i soim manifesto o buk bilong pati bilong em, Yunaitet Pati.

Solomon Ailan ileksen



Wanpela nupela samting i kamap pinis insait long ileksen long Solomon Ailans. Ol politikal pati i kirap pinis.

Ileksen bai stat long 6 Ogas na ol pipel bai votim 38 Memba bilong Palamen.

Bipo, i gat wanpela pati tasol i stap. Em i Nesenel Developmen Pati (o NADEPA). Na lida bilong pati em Bartholomew Ulufa'alu. Long olupela Palamen, em i bin Lida bilong Oposisen.

votim pinis Pater Kenilorea long kamap Praim Minista. Na long yia 1977, Mista Mamaloni i lusim Palamen pinis. Nau em i traim kam bek gen.

Nupela bisnis i wok long go het. Sampela ovasis kampani i save bung wantaim Gavman o pipel na kirapim bisnis.

Wok Pis

I gat 900 manmeri i wok long bisnis pis. Sampela i wok long sip na arapela lain long pis faktori. Na tu ol i gat sampela bikpela projek long kamapim rais na wel pam.

Tasol, planti pipel i bel hat long ol olupela Memba bilong Palamen. Long wanem, taim ol i pinis, ol i vot long givim K3,500 sevis pe i go long wan wan Memba bilong Palamen.

Praim Minista, Mista Kenilorea, i sanap bipo olsem independen Memba. Tasol, nau em i kamapim pinis nupela pati, ol i kolim Yunaitet Pati. Planti ol gavman Minista i bung insait long dispela pati.

No gat trabel

Long dispela taim i no gat planti trabel i kamap insait long Solomon Ailans. Ol

Olupela Praim Minista

Em skul pinis long Yunion bilong ol Woka long Honiara, biktaun bilong Solomon Ailans.


Solomon Mamaoni em i lida bilong narapela pati ol i kolim Pipels Alaians Pati. Em i bin Sif Minista long bipo. Tasol, bihain long ileksen long yia 1976, ol nupela Memba i



Lida bilong Oposisen Bartholomew Ulufa'alu. Em lida bilong Nadepa Pati.



Sif Minista bilong bipo yet, na lida bilong Pipels Alaians Pati, Solomon Mamaloni.



MACHINERY

GIVIM GUTPELA SKUL NA GUTPELA SEVIS TRU. SAVE BILONG OL LONG DISPELA WOK LONG PNG I WINIM 30 YIA NAU.


- WEIGHING EQUIPMENT
Avery Scales
- ROADBUILDING EQUIPMENT
Dynapac
- WELDING EQUIPMENT & ACCESSORIES
Liquid Air
- WORKSHOP EQUIPMENT
Applied Power
- ENGINEERS TOOLS & ACCESSORIES
Hazel
- CATERING EQUIPMENT
Chef Hobart
- OUTBOARD MOTORS
Johnson
- BOATS
de Havilland by Seamaster
- BIKES — PUMPS — GENERATORS
Honda
- ABRASIVES
Ceramco
- PUMPS
Mono
- LUBRICATION EQUIPMENT
Macnaught
- MATERIAL HANDLING
Kito
- CHAINSAWS
Homelite
- CEMENT MIXERS
Lightburn
- COMPRESSION TOOLS & EQUIP.
Atlas Copco

SAPOS YU LAIK SAVE MOA RINGIM OL LONG.

25 9066	PT MORESBY
42 4799	LAE
92 1400	RABAU
82 2055	MADANG
72 1488	GOROKA
95 6036	KIETA

BRANCHES
 PORT MORESBY . LAE .
 MADANG . POPONDETTA
 KIETA . GOROKA .
 VANIMO . MT HAGEN

© BAMU 099



FESTIVAL PROGRAMME

	MON 7	TUES 8	WED 9	THUR 10	FRI 11	SAT 12
9.00 am OL KANU I BUNG NA SEL NA WAN- TAIM.						GRAND PARADE Open to everyone NBC Lights to Ela Beach CANOE REGATTA Open to everyone Ela Beach
10.00 am OL SPESEL PILAI	TRADITIONAL GAMES Kiribati PNG Morobe children Administrative College LITERATURE COLLOQUIUM UPNG Main Lecture Theatre		TRADITIONAL GAMES Kiribati PNG Morobe children Administrative College LITERATURE COLLOQUIUM UPNG Main Lecture Theatre			
11.00 am OL SINGSING TUMBUNA	PNG North Solomons, New Ireland & Manus Ela Beach Oval Wallis & Futuna Islands Solomon Islands PNG Gulf Tabari Place Tokelau PNG Northern Waigani Market Tahiti PNG Central Koki Horseshoe Australia Waigani Offices MODERN DANCE New Zealand Limbs Koki Horseshoe MUSIC New Zealand From Scratch Waigani Offices	Australia PNG Central Ela Beach Oval New Caledonia Solomon Islands Waigani Offices Niue PNG Gulf Konedobu Cultural Centre Palau PNG Chimu Koki Horseshoe Kiribati PNG Northern Waigani Market MUSIC PNG Sanguma Tabari Place	FSM Ponape Guam Wallis & Futuna Islands Ela Beach Oval Tokelau Hawaii PNG Manus Waigani Offices New Caledonia Palau PNG Milne Bay Tabari Place Solomon Islands Kiribati PNG Western Koki Horseshoe Niue Northern Marianas Islands PNG Southern Highlands Waigani Market	Tuvalu Hawaii PNG Central Ela Beach Oval Cook Islands Western Samoa PNG Northern Waigani Offices New Zealand Solomon Islands PNG Western Province Tabari Place New Hebrides Niue PNG Madang Konedobu Cultural Centre Tonga PNG West Sepik Koki Horseshoe Guam New Caledonia PNG West Sepik Waigani Market	Kiribati Solomon Islands PNG Western Ela Beach Oval Australia Nauru PNG Southern Highlands Waigani Offices Hawaii Tuvalu PNG Enga Tabari Place Niue PNG Chimu Waigani Market MODERN DANCE New Zealand Limbs Waigani Market	
3.00 pm OL SPESEL PILAI		SAILING CANOE DISPLAY FSM Kiribati Solomon Islands Tahiti Tuvalu Western Samoa PNG Manus & Gogodala Ela Beach				Taim bilong Pasim Festival no gat pe long lukim (Fri) Sir Huber Murray Stadium.
4.00 pm OL SINGSING TUMBUNA	FSM Yap PNG Madang Koki Horseshoe Tuvalu PNG Manus Boroko East Horseshoe Palau PNG Milne Bay Tokarara Horseshoe Tonga PNG Enga Gerehu Horseshoe Australia PNG Chimu Gordons Market Solomon Islands Niue Waigani Market Tahiti PNG Eastern Highlands Kaugere Horseshoe	Hawaii PNG Western Koki Horseshoe Australia PNG Madang Boroko East Horseshoe Solomon Islands PNG West Sepik Tokarara Horseshoe Kiribati PNG West Sepik Gerehu Horseshoe Tokelau PNG West New Britain Gordons Market Tahiti PNG North Solomons Waigani Market Tonga PNG New Ireland Kaugere Horseshoe	Nauru PNG Enga Koki Horseshoe Kiribati Australia Boroko East Horseshoe Palau Solomon Islands Tokarara Horseshoe Cook Islands PNG Chimu Gordons Market Tuvalu PNG Eastern Highlands Gerehu Horseshoe New Hebrides PNG Gulf Waigani Market New Zealand PNG Milne Bay Kaugere Horseshoe	Western Samoa University of South Pacific UPNG Forum Solomon Islands Boroko East Horseshoe Niue PNG West New Britain Tokarara Horseshoe Kiribati PNG North Solomons Gerehu Horseshoe Hawaii PNG New Ireland Gordons Market Northern Marianas Islands PNG Manus Waigani Market Cook Islands PNG Milne Bay Kaugere Horseshoe	Solomon Islands Nauru Wallis & Futuna Islands Boroko East Horseshoe Australia Solomon Islands PNG Eastern Highlands Tokarara Horseshoe Cook Islands Palau PNG Gulf Waigani Market FSM Ponape Northern Marianas Islands Kaugere Horseshoe	Tickets and Planti ol pilai na so long san na nait tu i fri no gat pe bilong lukim ol. Na ol dispe- las so tasol em yu mas pem long lukim. Taim bilong Opim Festival. Main strand Adults K5.00 Children & students K2.50 Wing stands Adults K3.00 Children K1.50 Mound Adults K1.00 Children 20c Evening Performances UPNG Amphitheatre Konedobu Cultural Centre Murray Barracks Hall Waigani Arts Theatre Adults K2.00 Children & students 50c
4.30 pm						
8.00 pm SO BILONG OL AILAN PILAI DRANA, KONSET NA ARA- PELA SAMTING	Tokelau Gerehu Horseshoe PNG Milne Bay, Northern, & East New Britain Kaugere Horseshoe PNG Western Highlands, Enga & Southern Highlands UPNG Forum SAIL THE MIDNIGHT SUN PNG Raun Raun Theatre UPNG Amphitheatre Cook Islands Tuvalu Waigani Arts Theatre Kiribati Western Samoa Murray Barracks Hall Palau Nauru UPNG Forum MUSIC Various participants Museum Amphitheatre New Zealand From Scratch PNG Sanguma Konedobu Cultural Centre	New Zealand Konedobu Cultural Centre Tahiti Kaugere Horseshoe SAIL THE MIDNIGHT SUN PNG Raun Raun Theatre UPNG Amphitheatre Cook Islands Tuvalu Waigani Arts Theatre Kiribati Western Samoa Murray Barracks Hall Palau Nauru UPNG Forum MUSIC Various participants Museum Amphitheatre LITERATURE READINGS Sega Centre Circus Oz Australia Gerehu Horseshoe	Niue Gerehu Horseshoe Australia Kaugere Horseshoe Kiribati UPNG Forum SAIL THE MIDNIGHT SUN PNG Raun Raun Theatre UPNG Amphitheatre Guam Waigani Arts Theatre Wallis & Futuna Islands Cook Islands Waigani Arts Theatre University of South Pacific FSM Murray Barracks Hall MUSIC Various participants Museum Amphitheatre PNG String Bands Konedobu Cultural Centre	Solomon Islands Konedobu Cultural Centre Northern Marianas Islands Murray Barracks Hall PNG Chimu, Morobe North Solomons & Eastern Highlands Kaugere Horseshoe SAIL THE MIDNIGHT SUN PNG Raun Raun Theatre UPNG Amphitheatre NZ Maori Theatre Group Waigani Arts Theatre Nauru Waigani Arts Theatre Hawaii Tahiti UPNG Forum MUSIC Museum Amphitheatre PNG Sanguma Gerehu Horseshoe LITERATURE READINGS Sega Centre	Tahiti Gerehu Horseshoe PNG Western Highlands Manus, West New Britain East New Britain Konedobu Cultural Centre NZ Maori Theatre Group University of South Pacific Waigani Arts Theatre New Caledonia UPNG Amphitheatre Guam Murray Barracks Hall New Hebrides Murray Barracks Hall MUSIC PNG Sanguma UPNG Forum Circus Oz Australia Kaugere Horseshoe	Tiket bilong olgeta pilai na so Adults K20.00 Children K10.00 Salim tiket: Yu inap baim ol tiket na program bi- long so long: SPFA Office, Ela Beach Johnston's Pharmacy, Boroko Steamships mainstage

DEMONSTRATIONS




	KANU	SOSPEN	KAVING	MAT NA BASKET	SAMTING BILONG TUMBUNA	
TUES 1 — THUR 3 10.00 am	Kiribati Solomon Islands FSM/Ponape & Yap Ela Beach	Kiribati Australia PNG/Morobe & East Sepik Konedobu Cultural Centre	Australia America Samoa PNG/Milne Bay Konedobu Cultural Centre Solomon Islands Cook Islands PNG/East Sepik Tabari Place	Western Samoa Solomon Islands PNG/Southern Highlands Konedobu Cultural Centre Tokelau Kiribati Wallis & Futuna Islands PNG/Milne Bay Tabari Place New Zealand Hawaii American Samoa Museum	Solomon Islands Australia PNG/Enga & West New Britain Konedobu Cultural Centre Western Samoa Wallis & Futuna PNG/East & West Highlands Tabari Place American Samoa Museum	
2.00 pm	Kiribati Solomon Islands FSM/Ponape & Yap Ela Beach	Solomon Islands Guam PNG/Milne Bay & Central Konedobu Cultural Centre	Palau New Zealand Tokelau New Hebrides Konedobu Cultural Centre Kiribati FSM/Ponape PNG/Central & Morobe Tabari Place	Northern Marianas Islands Guam Cook Islands Tabari Place New Zealand Australia FSM/Ponape Palau Museum	Tahiti PNG/East & West Sepik Southern Highlands Northern & Central Tabari Place New Caledonia Hawaii FSM/Yap Museum Australia Northern Mariana Islands FSM/Kosrae Tahiti PNG/East Sepik & West New Britain Konedobu Cultural Centre	
FRIDAY 4 JULY 10.00 am	Kiribati Solomon Islands FSM/Ponape & Yap Ela Beach	Kiribati PNG/Morobe & East Sepik Konedobu Cultural Centre New Zealand Australia PNG/Bora Waigani Arts Centre	Australia American Samoa PNG/Milne Bay Konedobu Cultural Centre Solomon Islands Cook Islands PNG/East Sepik Tabari Place	Solomon Islands PNG/Milne Bay Konedobu Cultural Centre Kiribati Wallis & Futuna Islands Tabari Place Western Samoa American Samoa PNG/Southern Highlands Museum	Tahiti Wallis & Futuna Islands Western Samoa PNG/East & West Highlands Tabari Place American Samoa Museum Solomon Islands Australia PNG/Enga & West New Britain Konedobu Cultural Centre	
2.00 pm	Kiribati Solomon Islands FSM/Ponape & Yap Ela Beach	Solomon Islands Guam PNG/Milne Bay & Central Konedobu Cultural Centre New Zealand Australia PNG/Bora Waigani Arts Centre	New Zealand PNG/Central/Morobe Konedobu Cultural Centre Kiribati FSM/Ponape New Hebrides Tabari Place	Guam Cook Islands Tabari Place Australia FSM/Ponape Palau Museum	PNG/East & West Sepik & Central Tabari Place FSM/Yap PNG/Southern Highlands & Northern Museum Australia Kosrae Tahiti PNG/East Sepik & West New Britain Konedobu Cultural Centre	
SATURDAY 5	REGATTA Open to everyone Ela Beach	New Zealand Australia PNG/Bora Waigani Arts Centre	Handicrafts on sale Tabari Place	Handicrafts on sale Tabari Place	Handicrafts on sale Tabari Place	
MON 7 — TUES 8 10.00 am	Kiribati Solomon Islands FSM/Ponape & Yap Ela Beach	Solomon Islands Guam PNG/Milne Bay & Central Konedobu Cultural Centre	New Zealand Kiribati PNG/Central Konedobu Cultural Centre New Hebrides FSM/Ponape PNG/Morobe Tabari Place	Guam Cook Islands Tabari Place Australia FSM/Ponape Palau Museum	New Zealand Kiribati PNG/Central Konedobu Cultural Centre New Hebrides FSM/Ponape PNG/Morobe Tabari Place	
2.00 pm	Kiribati Solomon Islands FSM/Ponape & Yap Ela Beach	Kiribati Australia PNG/Morobe & East Sepik Konedobu Cultural Centre	Australia American Samoa New Zealand PNG/Milne Bay Konedobu Cultural Centre Solomon Islands Cook Islands PNG/East Sepik Tabari Place	Kiribati Solomon Islands Wallis & Futuna Islands PNG/Milne Bay Tabari Place Western Samoa American Samoa PNG/Southern Highlands Museum	PNG/East & West Sepik Southern Highlands & Central Tabari Place FSM/Yap New Caledonia PNG/Northern Museum Australia FSM/Kosrae Tahiti PNG/East Sepik & West New Britain Konedobu Cultural Centre	
WED 9 — FRI 11 10.00 am	Kiribati Solomon Islands FSM/Ponape & Yap Ela Beach	Solomon Islands Guam PNG/Milne Bay & Central Konedobu Cultural Centre	Paiou New Zealand Tokelau New Hebrides Konedobu Cultural Centre Kiribati FSM/Ponape PNG/Morobe & Central Tabari Place	Guam Northern Marianas Islands Cook Islands Tabari Place Australia New Zealand FSM/Ponape Palau Museum	Australia Northern Marianas Islands FSM/Kosrae Tahiti PNG/East Sepik, Northern West New Britain Southern Highlands Konedobu Cultural Centre PNG/East & Central Tabari Place	
2.00 pm	Kiribati Solomon Islands FSM/Ponape & Yap Ela Beach	Kiribati Australia PNG/Morobe & East Sepik Konedobu Cultural Centre	Australia American Samoa PNG/Milne Bay Konedobu Cultural Centre Solomon Islands Cook Islands East Sepik Tabari Place	Western Samoa Solomon Islands PNG/Southern Highlands Konedobu Cultural Centre Tokelau Kiribati Wallis & Futuna Islands PNG/Milne Bay Tabari Place New Zealand Hawaii American Samoa Museum	Wallis & Futuna Islands Tahiti Western Samoa PNG/East & West Highlands Tabari Place American Samoa Museum Solomon Islands Australia Hawaii PNG/Enga & West New Britain Konedobu Cultural Centre	

NBC bai bringim kamap wanpela program bilong so long 8.30 pm long oldeta de. Sapos i gat ol liklik senis i kamap ol bai tok save long en insait long dispela program.

You can have it in writing

Worldwide international airline reservations,
your hotel bookings, rent-a-car or other
services all confirmed in seconds. We'll
hand it to you in writing printed out
by Kombiang – computer bilong
Air Niugini.



This service is now available in our Boroko,
Waigani and Port Moresby sales offices.

AIR NIUGINI
THE NATIONAL AIRLINE OF PAPUA NEW GUINEA

Wok bilong Pangu Pati Pati pundaun

Wanpela memba bilong Pangu Pati i tok, wok bilong Pangu Pati insait long Papua Niugini i bagarap pinis.

Memba bilong Menyamya long Nesenel Palamen, Mista Neville Bourne, i tok em wantaim sampela moa memba bilong Pangu i wari tru long dispela.

Em i tok, olgeta han opis bilong Pangu Pati i bruk daun pinis. Pati i gat draipela dinau long beng. Dispela dinau, samting olsem K400,000 em Damai kampani (kampani bilong Pangu yet) i kamapim.

Mista Bourne i tok, em i putim pinis wari bilong em i go long Pangu Pati lida, Mista Michael Somare, na tu long ol dairekta bilong Damai. Tasol ol i no mekim wanpela samting.

Em i tok, em i les tru long ol dispela kain lida. Long wanem ol i no inap stretim ol wari bilong ol memba bilong pati.

Mista Bourne em i autim toktok bilong

em long kibung bilong Nesenel Palamen long Mosbi long Fonde 19 Jun.

Em i tok, sampela Pangu man i tingting pinis long senisim Mista Somare olsem

lida bilong pati. Tasol ol i no autim toktok yet.

Mista Bourne i tok-im Palamen olsem Pangu Pati nau i stap long han bilong ol man bilong Australia na ol ovasis man nabaut.

Na Mista Bourne i tok, Mista Somare i kisim pinis mani long Australia long helpim Pangu pati, taim em i bin go long hap.

Em i tok, wanpela long ol dispela drip-man bilong ovasis em Mista John Shinn. Em i menesa bilong Damai bipo.

Mista Bourne i tok, Mista Shinn i bin kisim nating planti mani bilong kampani na i go raun long Saut Isesia long yia 1976. Ol memba bilong Pangu pati i ripotim em pinis long Mista Somare. Tasol i no gat wanpela samting em i mekim long Mista Shinn. Em i tok gen, Mista Shinn em i gutpela pren bilong Mista Somare na tupela i wok bisnis wantaim.


Mista Bourne i tok, wanpela draipela asua bilong Pangu em tok promis nating long ol manmeri bilong ol

ilektoret bilong Pangu. Taim Pangu i stap long Gavman em i no helpim ol dispela pipel.

Taim Mista Bourne i tokim Palamen long ol dispela wari bilong em, em i tok, em bai no inap sapotim Pangu na Oposisen. Em bai sapotim Gavman bilong Priam Minista, Sir Julius Chan.

Pangu Pati i no amamas long ol tok-tok Mista Bourne i mekim long Palamen. Na i luk olsem bai ol i rausim em long pati.

Oposisen lida na lida bilong Pangu Pati, Mista Michael Somare, i tok olsem, toktok bilong Mista Bourne olsem Pangu i



Mista Bourne

gat bikpela dinau long beng em i no tru. Em i tok i no tru olsem Damai i gat K400,000 dinau long beng.

Em i tok, dinau bilong Damai long beng em i K350,000 tasol. Na dispela em i liklik dinau tasol. Bisnis bilong Pangu Pati i bikpela moa na ol samting bilong kampani i winim K650,000 olgeta. ● Franzalbert Joku

COLGATE I SAVE STRONGIM TIT BILONG YU



Olgeta de long moningtaim na long apinun yu mas klinim tit bilong yu. Yu mas mekim olsem:

- 1 Putim liklik gris bilong klinim tit antap long liklik brum bilong klinim tit.
- 2 Sapos yu laik bai tit bilong yu i waitpela tru na i strongpela, yu mas klinim tit bilong yu bihain long olgeta bikpela kaikai. Putim liklik brum antap long tit na pulim em i go antap na i kam daun gen, planti taim.
- 3 Nau klinim ol sap bilong tit.
- 4 Yu mas klinim tu baksait bilong tit.
- 5 Taim yu klinim tit, yu mas krungutim tru dispela liklik brum, bai em inap klinim olgeta liklik spes namel long ol tit na rausim ol pipia kaikai long en. Pipia kaikai i mekim tit i sting na i gat hul.

Dispela em i pasin tru bilong klinim tit. Na sapos yu bihainim tru, bai tit bilong yu i klin na i waitpela na tit na maus bilong yu i no ken sting.

Bilong strongim tit, yu mas dringim plantim susu, na kaikai ol samting i gat vitamin na gutpela marasin long en.	SUSU i gat kalsium na fosforus—em tupela samting i save strongim skin bilong tit. Na tu i gat vitamin A, B, C, na D.	OLKAIN SAYOR i gat vitamin A na C.	Sapos yu no lukautim gut tit bilong yu, bai ol i bagarap olsem:	<p>GUTPELA TIT 1. Skin 2. Bun 3. Rop</p>	<p>WARI Lukaut, nau hul i bin kamap inap long bun bilong tit. Nau yu save pilim liklik pen Hariap. Go lukim dentis.</p>
	KIAU i gat kalsium, fosforus na vitamin A, B, na D.	OLKAIN PRUT i gat vitamin A na C.			
	MIT i gat fosforus na vitamin B.	PIS i gat fosforus na vitamin B.			

Yu mas kaikai mit wantaim sayor bilong kisim vitamin A, B, na C.

Lukaut: planti switpela kaikai na loli i save bagarapim tit hariap.

Colgate gris bilong tit em i swit moa, na i mekim tit bilong yu i waitpela na i strong.



Tok save i kam long Colgate Palmolive bilong helpim helt bilong tit.

Wes Irian ripot

Ol pipel bilong Irian Jaya i no laikim ol Indonesia i stap holim ol bikpela wok insait long Jayapura.

Ol lain Wes Irian ya i no laikim ol lain bilong ol ailan bilong Indonesia i kam na holim ol wok i gat pawa long asples bilong ol. Em ol kain wok olsem gavna bilong Irian Jaya na ol sampela arapela bikpela wok.

Wanpela bikman bilong Iran Jaya i stap long Jakarta, biktaun bilong Indonesia i bin mekim dispela tok. Em i kenel bilong ami bilong Indonesia. Nem bilong em Mista J. Dimara.

Mista Dimara i bin stap long Jakarta stat long 1946 i kam inap nau. Krismas bilong em i 55.

Em i tok, em i laikim wanpela man stret bilong Irian Jaya long holim wok bilong gavna bilong Irian Jaya. Em i tok tu olsem, sapos wanpela man bilong arapela hap bilong Indonesia i kisim dispela wok, em bai lusim wok bilong em. Long taim em i ranawe lusim wok bilong em, em bai sut i go bek long asples, Irian Jaya na kirapim ol kain kain bikpela trabel.

Mista Dimara i bel hevi liklik na em i go toktok wantaim namba tu lida bilong gavman bilong Indonesia, Mista Kartidjo. Em i bel hevi, long wanem, gavman bilong Indonesia i bin makim 4-pela man husat ol i ting inap kisim wok gavna. Tasol dispela 4-pela man i no bilong asples, Irian Jaya. Nogat. Ol i bilong narapela hap bilong Indonesia. Olsem na Mista Dimara i kros.

Mista Dimara i bin stap long Jakarta stat long 1946 i kam inap nau. Krismas bilong em i 55.

Studen Kros
Presiden bilong asosiesen bilong ol studen bilong Irian Jaya long Jakarta i tok, sapos gavman i no harim tok bilong ol pipel bilong Irian Jaya, bai gat trabel. Ol bai wetim ileksen bilong Indonesia i kamap long yia 1982 na ol bai lukim long ai bilong em yet.

Long mun Ogas long dispela yia, Nesenel Gavman bilong Indonesia i bin

makim wanpela man long kisim wok gavna bilong Irian Jaya. Na Mista Steef Patrick Nafuni, wanpela memba bilong Irian Jaya insait long Nesenel Palaman em tu i bin tok egensim dispela samting.

Mas Makim As Ples
Mista Steef i tok, dispela bai bringim planti wari long Irian Jaya. Sapos gavman i makim wanpela man bilong narapela hap i kisim wok gavna, em bai wantok sistem na pulim planti wantok bilong em i kam insait long Jayapura. Ol bai kam painim wok na sindaun pasim ples bilong ol asples manmeri. Ol asples manmeri bai no gat wok.

Mista Steef i tok, i kam inap nau planti manmeri bilong Irian Jaya i no gat wok. Dispela, long wanem, gavman i save tekweim ol lokal pipel na subim ol arapela manmeri kam insait na kisim wok bilong ol.

● Wantok Ripota

Toktok wantaim lida
Long namba 21 de bilong mun Mas,



LONG BILONG YIA 1963 – 1973 BILONG BOSIM OL LAISENS BILONG STRONGPELA DRING TOK SAVE LONG OL EPLIKESEN I BIN KAMAP

Bilong bihainim olgeta tok bilong Lo bilong yia 1963 – 1973 bilong bosim ol laisens bilong strongpela dring, mipela i tok save hia olsem: bai mipela i putim kibung long wan wan provins na distrik bilong skelim eplikesen bilong ol pipel i putim nem bilong ol long dispela pepa. Bai mipela i makim de na ples bilong dispela wan wan kibung long wan wan distrik.

HUSAT I APLAI

WANEM KAIN EPLIKESEN

WANEM KAIN LAISENS

PLES

IS SEPIK PROVINS

Buki Komyuniti Klap
Mushu Komyuniti Grup
Simon Sak & Vincent Jerry
Hanga Komyuniti Klap
Lawrence Wago
Peter Wiwai

Nupela Eplikesen
Nupela Eplikesen
Nupela Eplikesen
Nupela Eplikesen
Nupela Eplikesen
Nupela Eplikesen

Klap
Klap
Taven
Klap
Stuakipa
Stuakipa

Bubuamo viles, Yangoru
Wewak
Wewak
Karawap viles, Dagua
Hanyak viles, Kubalia
Neimu viles, Kubalia

MADANG PROVINS

Melanesian Tourist Sevis
Kameta klap
Theresa Yee On Tang & Mok Sing
Wallsend Trading P/T

Nupela Eplikesen
Nupela Eplikesen
Nupela Eplikesen
Nupela Eplikesen

Packet
Klap
Stuakipa
Stuakipa

M.V. Melanesian Explorer
Karkar Island
Portion 505, Madang
Allotment 1, Section 22,
Madang
Son viles, Madang
Gamai viles, Madang
Mis viles, Madang
Bogia Township Section
Waris viles, Manam Ailan
Mambuan viles, Bogia
Section 13, Lot 10, Madang

Bulu Yiap
Muddy Youth Klap
Bagi Klap
J.E. Soo
Kabung Sosal Klap
Munumbo Klap
Filipino Association

Nupela Eplikesen
Nupela Eplikesen
Nupela Eplikesen
Nupela Eplikesen
Nupela Eplikesen
Nupela Eplikesen
Nupela Eplikesen

Stuakipa
Klap
Klap
Stuakipa
Klap
Klap
Klap

MOROBE PROVINS

Munorah Kaiman
Half Cast Club

Nupela Eplikesen
Nupela Eplikesen

Stuakipa
Klap

Lot 3, Section 52, Lae
Yalu viles, Lae

NOT SOLOMONS PROVINS

Tonovia Klap

Nupela Eplikesen

Klap

Marowa viles, Not
Solomons Provins

SAUTEN HAILANS PROVINS

Momei Pangial
Hepia Kowo Bisnis Grup
Hompu Bros Bisnis Grup

Nupela Eplikesen
Nupela Eplikesen
Nupela Eplikesen

Stuakipa
Stuakipa
Stuakipa

Bela viles, Mendi
Wombip viles, Mendi
Margarima viles, Sauten
Hailans Provins

Mipela givim aut long 12 Jun, 1980

W. TAUGAU,
Namba wan Komisena bilong Lika Lisens.

KAMAPIM P.N.G. LONG TOKTOK WANTAIM

**PASIN BILONG
SALIM TOKTOK
I GOHETIM KANTRI.**

I gat asua bilong pawa long telex o telepon bilong yu?
Na yu tingting long yusim narapela kain pawa
Sapos yu usim narapela kain pawa na masin bilong
yu i bagarap, yu yet bai baim long oraitim gen.
Pawa bilong liklik generator inap bagarapim wok.
P&T i laik bai yu no ken yusim dispela kain pawa.
Sapos yu laik yusim pawa bilong generator,
PLIS TOKSAVE LONG P&T.
BAI YU KISIM P&T LONG:
Department of Public Utilities,
Assistant Secretary,
Telecommunication Operations,
P.O. Box 3279 Port Moresby.
Telex No 22119

25
YEARS OF
SERVICE

DEPARTMENT OF PUBLIC UTILITIES
Postal and Telecommunication Services

HEB 466/W

SUMITOMO



Askim
mipela
long
strongpela
taia tru

Lankrusa
Dyna na
Stout Taia

SL 803

DUNLOP
Aircorps Rd, Lae
42-1322

Dia Lciplain,

Inap 6 mun nau mi tren long kamap nes. Nau mi gat wari na mi no mekim gut stadi bilong mi. Mi gat bipela wari long papamama bilong mi, long wanem, tupela i lapun tru.

Mi yet mi ting, mi mas go bek na lukautim ol, long wanem, mi las tru long famili tu.

Tupela bikpela brata bilong mi i stap long ples wokim gaden na helpim papamama bilong mipela. Na arapela brata gen em i wok long salim mani i go long papamama.

Na susa bilong mi em i tisa. Long olgeta krismas em i save go long ples long holide. Na em i save kisim ol gutpela presen i go givim papamama.


Mi yet mi trening tasol na mi save kisim liklik poketmani tasol. Dispela mani em i no inap long bai mi salim sampela i go long ol.

Tasol long taim mi pinisim Fom 4, mi bin go wok. Na long taim mi bin wok, mi save salim mani i go long ol long olgeta potnait. Na mi bin harim olsem, papa bilong mi i bin amamas tru long pasin mi mekim long ol.

Mi laikim tru papamama bilong mi. Long taim mi liklik yet ol i lukautim mi gut tru. Ol i givim kaikai long mi na ol i salim mi i go long skul. Olsem na nau mi tingting strong long bekim traihat bilong tupela.

Wanem tingting yu gat long dispela samting? Em i gutpela long mi lusim trening na mi go stap lukautim ol o olsem wanem?

Wari Long Papa- mama LAIP LAIN



LAIN

Dia Pren,

Em i gutpela tru long tingim bek papamama bilong yu. Mi pilim olsem, ol i hatwok tru long lukautim yu na ol arapela bratasusa bilong yu. Olsem na nau tripela pikinini long famili bilong yu i kisim bikpela skul na save.

Tasol, dispela em i wok bilong olgeta papamama. Papa na mama i mas givim olgeta gutpela samting long pikinini bilong ol. Olsem bai pikinini inap go gut na kamap gutpela pikinini.

Tude long PNG, ol papamama i save laik bai pikinini bilong ol i mas go skul na kisim save. Papamama i mas givim ol pikinini gutpela kaikai na klos na ples bilong slip tu.

Em i tru olsem, ol papamama i mas givim gutpela samting long pikinini bilong ol. Tasol ol pikinini tu i mas bekim ol dispela samting. Ol i mas soim olsem, ol i laikim tru papamama bilong ol. Sampela taim tu ol i mas givim kaikai o mani long papamama long taim ol i lapun.

Na long yu yet, papamama bilong yu i givim yu olgeta gutpela samting i kam inap nau. Tasol yu i no pinisim skul bilong yu yet.

Yu wok long kisim trening yet. Yu tren long kamap nes. Dispela trening bilong yu i no wok long kaikaim mani bilong papamama bilong yu. Nogat. Tasol yu yet i wok long wari olsem, poketmani yu kisim i liklik tumas. Yu wari dispela mani em i no inap long yu salim

sampela i go long papamama bilong yu.

Yu no ken wari tumas long dispela. Yu i gat 4-pela bratasusa na olgeta i pinisim skul bilong ol pinis. Nau ol i wok long lukautim tupela lapun bilong yupela.

Wanpela bikpela samting, em yu mas soim tupela lapun ya olsem, yu laikim tupela tru. Long sampela taim yu mas raitim pas na stori wantaim tupela. Yu ken stori long wok na skul na laip bilong yu. Bai tupela i hepi long harim.

Na sapos yu kisim liv na gavman i givim tiket long yu, orait, yu mas holide na lukim tupela.

Sapos yu sevim sampela mani long poketmani bilong yu, orait, baim sampela liklik presen bilong tupela na kisim i go givim ol. Yu mas soim tupela yu stap tingting long ol yet.

Wanem as tru bilong wari bilong yu? Sapos as bilong wari bilong yu em i mani, orait, yu mas go toktok wantaim ol brata na susa bilong yu. Yu mas askim ol long givim skel bilong yu tu i go long papamama pastaim. Orait, long taim yu pinis trening na yu wok, yu ken


bekim mani bilong ol.

Dispela i no pinisim olgeta wari bilong yu. Yu mas tingting long go lukim papamama bilong yu sampela taim tu. Ating sapos tupela i lapun tru, bai tupela i singautim yu long lusim skul na go stap wantaim tupela.

Dispela em i pasin bilong ol manmeri i lapun tru. Ol i save singaut long ol kain kain samting. Long taim ol i yangpela yet, ol i no bin askim long ol dispela samting. Nogat. Nau ol i lapun pinis na tingting bilong ol i go olsem tingting bilong ol pikinini.

Mi save olsem, tupela i laikim yu long trening long kamap nes. Dispela trening na skul bilong yu inap helpim yu yet na planti arapela manmeri long taim bihain.

Laiplain.



PAUL KURA '80



No Ken Tok Bilas

Ol i save tok, taim yupela i wok wantaim Enny. M. hamas mani yupela bai kisim? Misis Enny, dispela tok ol boi i mekim long mipela, i no nau, Nogat. Taim mipela i wok yet na taim mipela i kam bek long ples na ol boi i save mekim dispela ol tok long mipela.

Mi bin sem long dispela tok na mi bin laik go tokim yu. Tasol mi no laik go tokim yu. Mi sem long tokim yu. Tasol husat wantok bilong Misis Enny Moaitz, long taim yu lukim dispela pas, plis i go isi tasol na tokim em.

Em tasol liklik tok na wari bilong mi.

Garafu Tararan Wampar, Morobe Provins

Dia Edita — Yu putim liklik spes long mi na mi raitim daun liklik toktok bilong mi.

Mipela olgeta boi i wok wantaim Misis Enny long vot bilong em, long taim vot i pinis na mipela i kam bek long ples, olgeta yangpela boi long ples i mekim tok bilas long mipela.

Na tu ol i mekim kain kain tok na mipela i harim na bagarapim bel bilong mipela. Na mipela i harim i go i go na mipela i sem nogut long dispela ol tok.

Salim ol pas i kam long:
WANTOK
BOX 1982
BOROKO

Mesboi Paulim Tiket

Dia Edita — Inap yu ken givim hap spes long pepa bilong yu na mi ken autim wari bilong mi.

Hia long Panguna i gat 5-pela mes olgeta. Long 4-pela mes i gat sekuriti long sindaun long dua na katim meal tiket. Tasol wanpela mes ol i kolim Kawerong mes, i no gat sekuriti long wok long en. Em ol mesboi tasol i save sindaun long duawe na katim meal tiket. Wanpela samting mi komplek long en, em tasol.

Long wanem mipela ol wokman bilong BCL i save baim wan meal tiket long K1 na mipela i save kam kaikai long Kawerong Mes.

Wanpela mesboi husat i save sindaun long dua em i save haitim dispela meal tiket. Bihain ol dispela boi long Kawerong Mes i de of ol i save go kaikai long narapela mes olsem kem 5 o kem 6 o Karoona.

Sampela taim ol i save givim long ol wantok bilong ol. Mi save lukim dispela pasin olgeta taim. Husat man i save sindaun long dua i save paulim wanpela meal tiket olgeta taim.

Ol bikman bilong dispela kampani ol i kolim S.H.R.M.P.C.S i slip we na dispela pasin i wok long kamap. Traim na kisim sekuriti stret i kam wok long hia. Mi no laikim ol mesboi yet i wok long sindaun long duawe na stilim ol meal tiket.

N. Roua Panguna, N.S.P.



Tarangu Ol Lapun

Dia Edita — Inap yu givim mi liklik spes long niuspepa bai mi sapotim tok-tok bilong wantok ya Inase Sevayopa.

Yes brata, mi amamas tru long pas bilong yu. Yes, ol dispela pasin ol stuakipa i save mekim i no stret long ai bilong mi tu.

Taim ol lapun manmeri i go long

stua na ol i go askim stuakipa, ol stuakipa i save bikmaus long ol. Na tu ol i save krosim ol, o sampela taim tu ol i save giamanim ol na tok, dispela samting i no stap. Ol i save giamanim ol lapun olsem.

Em bilong wanem? Dispela samting i stap long stua ya i bilong yu o bilong kamapni. Sapos dispela samting

bilang kamapani, orait, yu no ken tok olsem long ol lapun.

Sapos yu wanpela long ol dispela kain stuakipa, yu no ken wokim olsem moa, yu harim?

Em tasol liklik wari bilong mi.

Andrias Ol Fatima Haiskul W.H.P.

Apim Nem Bilong Aba

Dia Edita — Inap yu givim liklik spes na bai mi autim wari bilong mi i go olsem.

Wai na John Aba i no pait moa nau. Trena bilong Aba i mas kisim planti ekspiriens boksa i kam long ovasis na bai ol i pait wantaim Aba.

Trena bilong Aba i no ken kisim i kam ol boksa Aba i bin autim tiket bilong ol pinis long pait gen wan-

taim Aba. Aba i no pipia man o man nating na bai ol dispela boksa i kam pilai pilai wantaim em.

Planti ovasis kantri i harim nem bilong Aba na ritim nius bilong em. Na ol i save Aba em i wanpela sempion boksa tru insait long ol komonwelt kantri.

Tasol nau ol i no harim nem bilong em planti taim long redio o long niuspepa na bai ol i ting o, sem-

pion bilong PNG na Komonwelt i pundaun pinis.

Olsem na mi no laik nem bilong Aba i hait na ol i pilai pilai long nem bilong sempion tru bilong yumi, PNG na Komonwelt. Nem bilong sempion bilong yumi i mas stap antap moa yet inap em i ken salensim Eusebio Pedroza.

Gelf Lima Lae, Morobe Provins.

KAUNSI LA TRAIM





Tari na Enga

Bipo tru tupela brata i stap long hap bilong Star Maunten ples we Ok Tedi Kopa i kamap long en nau. Nem bilong tupela brata em Huli na Opene. Tupela brata i save poroman na raun gut tru wantaim. Tupela i no save kros namel long tupela yet.

Wanpela taim tupela i go long bikbus long painim abus. Tupela i go i go na tupela i go kamap long bus haus bilong tupela. Opene kirap na tokim Huli long stap long haus na redim ol ston na lip na kumu samting.

Opene i wokabout i go painim abus. Em i go liklik tasol na em i lukim wanpela muruk i stap. Em i sutim na karim i kam bek long haus. Em i tokim Huli, mumuim muruk olgeta na bel tasol yu kukim.

Na Opene i tokim Huli gen olsem, taim yu kukim bel pinis yu mas wetim mi i stap. Yu no ken kaikaim. Werim mi i stap na taim mi kam orait, mitupela wantaim i mas kaikai.

Opene i kirap lusim brata bilong em na sut i go insait long bikbus long painim sampela moa abus. Na Huli i mumuim muruk i stap. Em i pinis nau na em i hatim ol liklik ston bilong mumuim bel bilong muruk long narapela hul.

Em i putim olgeta samting long hul pinis na em i wetim Opene tasol i stap. Em i wet i go i go longpela taim tru. Huli pret nogut bel bilong

muruk i meme olgeta olsem na em i rausim liklik mumu.

Taim em i rausim, em i traिम kaikaim hap na man, swit bilong em i winim tru ol arapela samting. Olsem na Huli i pinisim tru olgeta bel bilong muruk. Pinis orait, em i rausim bikpela mumu. Em i rausim bikpela mumu pinis na wetim brata bilong em i stap.

Liklik taim bihain Opene i kam na tokim Huli, muruk i stap pas-taim. Kisim bel tasol i kam na mitupela i kaikai. Huli i kirap na tok, sori tru brata. Mi kaikai olgeta bel bilong muruk pinis. Plis yu no ken kros.

Opene i kros nogut tru na i tokim Huli olsem, em i orait brata. Yu sakim tok bilong mi pinis. Mi no inap mekim wanpela samting nogut long yu, Nogat. Tasol mi bai i no inap stap wantaim yu moa na yu i no inap painim mi moa.

Em i tokim brata bilong em Huli pinis na em i lusim em. Em i go longwe liklik long ples na i go stap long narapela hap. Nau yu ken lukim Tari i stap longwe long Enga.

Em tupela brata bipo tasol ya i kros long bel bilong muruk na tupela i bruk lus na i go stap longwe long tupela yet. Stori i soim olsem Huli em Tari na Opene em Enga.

J. Pangari Pirai.
Not Solomons Provins.



HAVE A GO

BUY SUNSHINE MILK OR MILO AND YOU COULD WIN A HONDA MOTOR BIKE

TO ENTER

BUY MILO OR SUNSHINE MILK, PEEL OFF THE PAPER LABEL AND ON IT WRITE YOUR NAME, ADDRESS AND THE SPELLING OF THE WORD MILO. PUT IT IN AN ENVELOPE AND SEND IT TO:—

**NESTLES
P.O. BOX 6033
BOROKO.**



**WINNERS
DRAWN
FRIDAY AUG. 1ST
AND
FRIDAY SEPT. 5TH
ENTRIES CLOSE
THURSDAY
SEPT. 4TH**

**MILO AND
SUNSHINE MILK**
THE SPORTSMAN'S DRINK FROM NESTLE

HEB 332

Kwin I Kam Luksave

1 King 10:2 - 11:8

Kantri Bilong Yumi

Hia em namba tu hap bilong stori bilong Utula. Em i laik bai PNG i mas kamap Ripablik na i gat Presiden.



stap long Nesenel Gavman. Foren Afeas na Tret i mas stap long Nesenel Gavman.

Ol Stet Gavman i mas kamapim Pablik Sevis bilong ol. Tasol rot na skel bilong skelim pe bilong olgeta wokmanmeri long Pablik Sevis na ol kampani i mas wankain. I mas i gat pe na liv pe long ol man na meri tu insait long nupela Ripablik.

PASIN BILONG MAKIM MINISTA

Aninit long nupela Konstitusen, Presiden i makim ol minista. Tasol Konstitusen i mas tokaut stret long Presiden i mas makim Minista i kam long wan wan provins na tu em i mas bihainim namba bilong ol pipel long wan wan provins.

PLENING NA WOK BISNIS

Olgeta bikpela bisnis kampani i mas i stap long han bilong ol sitisen bilong PNG aninit long nem bilong gavman bilong ol.

WOK - BUNG - NESENEL NA PROVINSAL PALAMEN

Yumi mas daunim namba bilong Nesenel Palamen na apim namba bilong Provinse Asembli. Nau namba bilong Nesenel Palamen em 109. Yumi mas daunim dispela i go long 60 na i mas i gat 20 Minista tasol. Olgeta minista makim ol wanwan provins (19 pela) na wanpela em Presiden.

Ol memba bilong Nesenel Palamen i ken i stap insait long Provinse Asembli tu na toktok. Tasol ol i no ken kisim dabol pe. Ol i no gat pawa long vot tu, na no ken kisim wok olsem Provinse Minista.

Provins i mas kamap olsem Stet Gavman na ol i mas i gat moa pawa. I mas holim ol kain pawa bilong bosim graun, plis, na provinse Haiskul na Koles. Sampela kampani takis tu i mas i stap long ol Stet Gavman.

Nesenel Ami, Yunivesiti, na Foren Invesmen, planti bikpela takis pawa i mas i

Sande Lotu

Frank Mihalic

27 Julai 1980 -

SANDE NAMBA 17 BILONG SIOS YIA

Luk 11: 1 - 13.

Rit bilong Gutnius bilong tude i stori long namba wan taim Jisas yet i skulim ol disaipel bilong em long pasin bilong pre. Olgeta de yumi Kristen i save mekim dispela beten, olsem em i gat yumi glasim gut tude. Nogut yumi no save tru, yumi mekim wanem beten. Maus bilong yumi tasol i wok, na tingting i stap longwe. Sapos yumi mekim olsem, dispela beten i ken bringim hevi long yumi. . . .

Long stori bilong tude, Jisas i stap beten na ol disaipel i lukim. . . Ol i ting, ating em i gat wanpela spesel beten. Olsem na ol i askim em long lainim ol long wanpela gutpela beten. Olsem na Jisas i autim namba wan taim dispela beten yumi kolim "Papa Bilong Mipela". . . .

Yumi save pre: PAPA BILONG MIPELA, YU STAP LONG HEVEN. Yumi singaut long PAPA, na i no long wanpela bikpela God i bosman tasol. Nogat. Yumi olsem pikinini, na papa i save belgut long pikinini.

Yumi tok: Papa BILONG MIPELA. Long dispela beten i no gat wanpela ples we yumi tok: "Mi" o "bilong mi". Nogat. Yumi save beten long helpim olgeta manmeri i stap long graun. Ol i olsem brata-susa bilong wanpela bikpela famili aninit long God Papa.

Na Papa I STAP LONG HEVEN. . . Em i bikpela, em i antap long olgeta samting bilong heven na graun na insait long graun and antap long en. Ol tumbuna i gat planti masalai na tambaran na sanguma i olsem god bilong ol. Tasol God bilong yumi Kristen, em i antap long olgeta dispela arapela god wantaim. Em yet i bosim ol strong bilong wara na lait na lektrik na klaut na win. Em tu i larim san i goap na i kamdaun; em i larim ol sik na pen na dai i stap. Yumi sambai wantaim em, yumi kolim em papa. . . yumi win tru. I no gat wanpela samting i ken pasim strong bilong

em.

Na yumi pre moa olsem: NEM BILONG YU I MAS STAP HOLI. . . . Em i min, yumi mas onaim nem bilong God. Long PNG yumi gat sampela nem i tambu, yumi no save kolim. Yumi no ken kolim nating nem bilong God, long taim yumi gat kros.

KINGDOM BILONG YU I MAS KAM em i min, mipela i laik God i bosim olgeta man bilong graun. Na long laik bilong ol yet, ol i BIHAINIM LAIK BILONG GOD LONG GRAUN. . . . Yumi laik bai kingdom bilong God i ken stat insait long yumi wan wan. Bel bilong yumi, em i namba wan ples God i laik bosim. Na long dispela bel na tingting bilong yumi, yumi mas bihainim laik bilong God. . . Maski wanem samting i kamap, maski yumi no inap save watpo, maski yumi no inap save olsem wanem. . . . i orait: em i laik bilong God. Na yumi bilipim dispela. . . . Na sapos yumi NO bilipim dispela, mobeta yumi no giaman na mekim dispela prea. . . .

Nau yumi askim God Papa long tripela samting. Yumi askim long KAIKAI INAP LONG DISPELA DE. . . . Na yumi tok: GIVIM MIPELA. Yumi no save pre: Givim MI. . . . Yumi beten long wanpela de. Tumora bai yumi beten gen. . . .

Nau yumi askim Papa long pogivim rong bilong mipela, olsem mipela i pogivim ol rong ol arapela man i mekim long mipela. Dispela RONG yumi beten long en, em i min olgetat taim yumi pundaun long rong. Na em i min tu: olgeta taim yumi popaia long sewa bilong yumi. . . .

Las tok bilong beten i go olsem: YU NO BRINGIM MIPELA LONG TRAIM. Ol dispela i no traim bilong Seten tasol. Nogat. Em i olsem traim bilong Papa i laik save long tingting na laik bilong yumi. Dispela kain traim em i bilong strongim yumi, olsem man i asait na i strongim masel bilong em.



EM I GO INSAIT LONG JERUSALEM NA I LUKIM SIA KING BILONG SOLOMON NA I KIRAP NOGUT TRU.

MI HARIM STORI LONG YU GAT PLANTI SAMTING NA GUTPELA SAVE TUMAS, OLSEM NA MI KAM LUKIM YU.
GUTPELA KWIN, MI AMAMAS LONG YU KAM. GOD YET I BIN GIVIM GUTPELA SAVE LONG MI.



SOLOMON I BEKIM OLGETA ASKIM BILONG KWIN. NA BIHAIN EM I KISIM KWIN I GO LUKLUK RAUN LONG TAUN, NA I SOIM EM NAISPELA TEMPEL BILONG GOD. NA SOLOMON I SOIM EM OL BIKPELA HAUS OL I WOKIM LONG STON NA OL BIKPELA HAUS OL TAUSEN HOS I STAP LONG EN.



BANIS BILONG JERUSALEM I NOGUT PINIS, NA OLSEM MIPELA LAIK KIRAPIM NUPELA BANIS.
ATING BOSBOI EM I SAVE GUT LONG WOK BILONG EN, LAKA?



EM I STRET. YU SAVE LUKIM GUT OL SAMTING. EM I NAMBA WAN BOSBOI BILONG MI.

SOLOMON I WOKIM PLANTI BIKPELA HAUS. OL MANMERI I LUKIM OL NA I KIRAP NOGUT NA OL I PRET LONG DISPELA SAMTING SOLOMON I MEKIM.

Used by permission of the David C. Cook Foundation. Copyright 1973. David C. Cook Publishing Co. All rights reserved.

TAIM KWIN BILONG SIBA I LUKLUK RAUN PINIS EM I GIVIM SOLOMON SAMPELA PRESEN OLSEM GOL NA NARAKAIN SANDA NA OL GUTPELA STON. NA BIHAIN KWIN I GO BEK LONG KANTRI BILONG EN.

LUKIM OL I WOKIM DISPELA TEMPEL BILONG GOD GIAMAN. EM MERI BILONG KING.
TRU, ATING SOLOMON I NO MOA ASKIM GOD LONG SOIM EM ROT. OLSEM NA ATING BAI YUMI ISREL I KISIM HEVI YET.

Komik hia i kamap pinis long buk. Yu inap balm long olgeta Kristen Buk Stua.

TOK SAVE

Tok Save i go long Joseph Sapetala Misama. Yes brata Joseph, mipela lain bilong yu mipela i wari tru. Mipela i no lukim stat long yia 1969 i kam inap long dispela yia, 1980. Sapos yu stap long wanem hap bilong PNG, orait, raitim pas i kam long mipela. O sapos nogat, yu kisim balus tiket long taim bilong holide na kam lukim mipela. Mipela bai amamas tru long lukim yu. Mi brata bilong yu Anton Misama. Na em hia adres bilong mi. Anton Misama, Galai No 1 Section 4, Via Nahavio, Wes Nu Briten Provins.

Tok save i go long Sitia Kalu olsem mama bilong yu i lapun pinis na klostu bai dai nau na mi laik bai yu mas kam bek long ples nau na lukim em. Em tasol mi kandere long yu Christian Leskau, Mongop Hai Skul, P.O. Kavieng.

Tok Save i go long brata bilong mi Seti Lingairi. Steti, mi lusim yu longpela taim tru. Na mi no save yu stap long wanem hap tru. Ating yu stap tis yet long Madang o nogat? Sapos yu lukim tok save bilong mi, orait, yu mas rait i kam long mi. O sapos wanpela man i lukim dispela tok save na i save dispela man i dai pinis o i stap yet, plis, tok save long mi long dispela adres; Joshua Taruna, PNG Habours Board, Post Office Aitape, Sandaun Provins.

Tok Save - Box 1982 - Boroko

Stretim Tok

1	2	3	4	5	6	7
8				9		
10		11	12	13		
	14			15	16	17
	18			19		
20						
21		22				

W.H. Ludwig

Namba 85:

Stret: 1. Em ol spirits ol tumbuna i ting i stap insait long raun wara, diwai, ston samting. 8. Kampani bilong PNG. 9. Kantri bilong Not Amerika. 10. Hap sankamap. 11. Namba. 13. I stap long skai. 14. Em ol i mekim long nait. 16. Sotwe long Sydney. 18. Em mak bilong soim laik long narapela. 19. Hap bilong het. 20. Em ol studen, skulmanki. 21. Sotwe long 'olgeta'. 22. Olsem klewa.

Daun: 1. Em taim wara i kamap olsem ston. 3. Em save bilong raitim stretpela tok. 4. Hap bilong pes. 5. Em i no win. 6. Em wok bilong prektisim wanpela samting. 7. Hap bilong het. 8. Husat i droim piksa long Wanok niuspepa 1978. 12. Em man i skulim ol studen. 14. Em haus ol i lainim long wanpela samting. 15. Em spika bilong ol aposel. 17. Sotwe long Yunivesiti.

Ansa Bilong Namba 84:

Stret: 1. Lek. 4. Leba. 7. Lus. 9. Nus. 10. Wasket. 12. As. 14. Ki. 15. Kok. 16. Skin. 18. Mr. 19. Gras. 20. Kau. 21. Su. 22. Plena.

Daun: 1. Lewa. 2. Ela. 3. Kus. 5. Butoma. 6. As. 8. Skin. 9. Nek. 11. Skru. 13. 11. 14. Kiap. 17. Oke.



BIABIA



MASIN BILONG MEKIM YU FRI

*Ples bilong yu i gat trabel long painim wara?
Yu gat wari long pawa?*


YES

Orait, yu kam long Steamships Machinery na toktok wantaim ol man i save tumas long ol PAWA ENSIN na WARA PAM ENSIN.

*Ol ensin hia yu ken karim i go wantaim yu.
HONDA em i ansa bilong yu.*

OL HONDA MASIN I MEKIM YU FRI.

HONDA®



Steamships - MACHINERY

**and HONDA
dealers**


Port Moresby 25 9066
Rabaul 92 1400

Madang 82 2055
Goroka 72 1488
Lae 42 4799

HEBAMO 123



*Yu inap pasim gut bal olsem dispela pilaia bilong Amoana o nogat?
Kas bilong em. Tasol tarangu tim bilong em i lus long Ke Klap. Ol i bin kik long Mari Bareks, Mosbi long tripela wik i go pinis.*



Long poto yu inap lukim namba 4 bilong Paramana i kalap winim olgeta pilaia bilong Imele na hetim bal. Ol Imele pilaia i no resis wantaim em olsem na Imele tu i lus long Paramana. Ol i kik long tripela wik i go pinis long Boroko ples pilai, Mosbi.

PHANTOM

komik

Yupela i ritim stori bilong Phantom long las wik pinis o nogat? Dispela komik bilong las wik i stori long wangepela man i pinis long kalabus na i helpim wangepela arapela man husat i bin stap long kalabus. Tupela wantaim ol pren bilong ol i laik go stilim gol long ol viles klostu long hap bilong Phantom. Bai ol inap sitlim o nogat...yu yet painim-aut.!

No. 684

SOKA DRO WIK 13.

SARERE 5

TAIM	GRET	TIM	GRAUN
1.30	4th	FRIGANO vs DAGANAWA	DIFENS
2.15	4th	YOUTHS vs KAMALI	
4.00	4th	KIVENAUVA vs BALOPI	

SANDE 6

GRAUN	TAIM	GRET	TIM
DIFENS	12.45	4th	VREC vs OTOLAM
	2.00	4th	KADAKADA vs MOMONG
	3.15	4th	SAN MIG vs KANAI
	4.30	4th	JEVEHA vs KS

Wes Lukaut



Wanpela Is pilaia i redi long het win nau. Pilaia bilong Difens i holim pasim em pinis na i laik pulim Is na Difens i pilai long Kone graun long Mosbi. Difens i win, 32-21. Pilai i kamap long las wik Sande.

Long mun Ogas bai ol i holim gren fainol o las pilai bilong lukim husat bai sempion tim bilong dispela yia.

Long yia 1979, Bratas i winim gren fainol na ol i kamap sempion bilong Ragbi.

Long dispel yia Wes, Kone o Ela Magani bai go insait long gren fainol.

I kam inap na hia em nem bilong ol hap

man bilong wan wan tim i go pas long putim trai. Long A gred Volu Kapani bilong Ela - Magani tim i go pas na em i putim pinis moa long 16 trai. Em wanpela smatpela pilaia tru bilong pilai Ragbi.

S. Pasingan bilong Bratas i putim samting olsem 12-pela trai na J. Katsir bilong Paga i putim samting olsem 11-pela. Emmanuel Kairu bilong Kone i putim

10. Kapera Sarea bilong Hawks i putim 10. F. Airsa bilong DCA i putim 9 na Celsius Kose bilong Wes i putim 8.

Geroge Pamel bilong Paga i go pas long putim planti poin long ol gems, ol i pilai pinis. Em i putim 93 poin olgeta na dispela namba i go antap pinis.

Steve Malum bilong Kone Tigers i

stap namba 2 na em i putim 72 poin. Don Haro bilong Wes i stap namba 3 na em i putim 58 poin na Philip George bilong Ela Magani i stap namba 4 ples na em i putim 57 poin. Dispela namba i kamap taim ol i bungim wantaim ol trai na gol ol i kikim long olgeta gems ol i pilai pinis.

● Ben Kasanda



1980 TOKSAVE BILONG OL SEAHOLDA MITING

TAUN	DE	PLES BILONG MITING	TIME
GOROKA	Mande 14.7.80	Goroka Local Government Council Chamber	2.00 pm
KUNDIAWA	Tunde 15.7.80	Provincial Government Chamber	2.00 pm
MT. HAGEN	Trinde 16.7.80	Provincial Government Chamber	2.00 pm
WAGAB	Fonde 17.7.80	Provincial Government Chamber	2.00 pm
MENDI	Fraide 18.7.80	Provincial Government Chamber	2.00 pm
LAE	Mande 28.7.80	City Council Chamber	2.00 pm
MADANG	Tunde 29.7.80	Smugglers Inn	2.00 pm
WEWAK	Trinde 30.7.80	Wewak Local Government Council Chamber	2.00 pm
VANIMO	Fonde 31.7.80	Provincial Government Chamber	2.00 pm
LORENGAU	Tunde 5.8.80	Provincial Government Chamber	2.00 pm
KAVIENG	Fonde 7.8.80	Provincial Government Chamber	4.00 pm




Is i no inap ranawe. Difens i holim pas pinis. Difens i win 32-21.



Bratas i pasim ai wantaim na daunim wanpela Paga. Bratas i winim Paga 15-14. Dispela em i A-resev tim. Ol i pilai long Sarere 28 Jun, long PRL.

Poto - Donaldson Muraba



 **Wantok
Spot**

Wes Lukaut

Klostu DCA i autim tiket bilong Wes. Wes i winim DCA long 2-pela poin tasol. Wes i putim 25 poin na DCA 23. Sapos DCA i kikim gol i go insait, em poin bilong ol inap wantaim bilong Wes. Tupela tim i pilai long Sande, 29, Jun long P.R.L.

Winga bilong DCA, Mikes Arere i putim las trai insait long las 2 minits bilong pilai. Bihain Ricky Vagi i traime long kikim gol long kisim 2-pela moa poin tasol em i no inap. Olsem na Wes i win.

Long namba wan hap bilong pilai tupe-la tim wantaim i pilai hat tru na i no inap winim arapela long poin. Long taim bilong malolo poin bilong tupela tim wantaim i sanap 15-15.

Long namba tu hap bilong pilai, Wes i putim trai na ol i go pas. Ol i gat 25 poin. DCA i stap 20 tasol. Bihain DCA i putim las trai na go antap long 23. Ol gutpela pilaia bilong Wes em Eka Laho, Ken Skelton na Laka Mata-pare.

Ol man i trai hat tru long DCA em Gerson Apelis, Helangi Kovae, Tara Gau na Aniani Asi.

DCA i wanpela strongpela tim nau. Long narapela wik bipo ol i winim Bratas na nau klostu ol i

winim Wes. Wes i go pas long olgeta tim na sanap pas long poin leda.

Long bigin bilong dispela yia, DCA i stap las long poin leda. Tasol ol i tren hat moa na nau ol tim i go pas long ol i pret tru long ol. DCA i winim pinis 6-pela gems.

Poin leda bilong Ragbi insait long Mosbi i sanap olsem. Wes i go pas long 25 poin long wanem ol i winim planti gems bilong ol.

Ela-Magani i wanpela hat tim tu. Ol i winim planti gem bilong ol tu na ol i stap namba 2 long poin leda wantaim 18 poin. Kone Tigers tu i sanap namba 2 wantaim 18 poin.

Paga-Panthers i sanap namba 3 ples wantaim 16 poin. DCA, Bratas, Difens na Hawks i pilai i kam antap yet. East na Tarangau i sanap las tru, long leda.

I go moa long Pes 23



Yupela lukim, 3-pela Is i laik holim Difens. Wanpela i les na sindaun i stap. Poto i soim A-resev tim. Is i win.



Kas bilong Bratas. Em i painim pren bilong em long giyim bal. Tupela Paga i no inapholim em. Pilai i kamap long A-resev long las wik Sarere.

Poto - Donaldson Muraba

AIR NIUGINI

THE NATIONAL AIRLINE OF PAPUA NEW GUINEA

HELPIM KANTRI GOHET



Wantok

Digitized version made available by



Copyright: Under copyright

Rights Holder: Word Publishing Company Limited

Use: This digital version is made available from the UC San Diego Library under a license granted by the Word Publishing Company Limited. This digital copy of the work is intended to support research, teaching, and private study.

Constraints: This work may be protected by copyright law. Use of this work beyond that allowed by the applicable copyright statute requires the written permission of the copyright holder(s). Responsibility for obtaining permissions for any use and distribution of this work rests exclusively with the user and not the UC San Diego Library. Inquiries can be made to the UC San Diego Library program having custody of the work.

Note on digitized version: Some of the digital versions presented here reflects the quality and contents of the microfiche. Problems which have been identified include misfiled or out-of-order pages, illegible text; these problems have been rectified whenever possible.